

## SĀARUN WOODA

Sāarun Woodan tirerun gari sun sōomō wooda ye Isireliba ba swīi ba ka Gusunō sāwa. Yāku kowoba ba tambu wooda ye sōosi. Wooda ye, ya bu sōosimōwa gāa ni nu disi mō ka ni nu ñ disi mō. Ya maa nεε, n weene Isireliba ba n dεere bu sere Gusunō susi.

*Tire ten kpunaa*

1. Yākunun wooda, wiru 1n di sere wiru 7.
2. Wooda ye ba yi yāku kowobun sō, wiru 8n di sere wiru 10.
3. Ye ya disi mō ka ye ya ñ disi mō, wiru 11n di sere wiru 15.
4. Toranun yākunu, wiru 16.
5. Dεerasiabu ka sāarun wooda, wiru 17n di sere wiru 27.

## YĀKU NI ISIRELIBA BA KOO KO

*Yāku dōo mwaararuginu*

<sup>1</sup> Yinni Gusunō u Mōwisi soka saa win kuu bekurugii tèn mi ba ra nùn sān di. <sup>2</sup> U nùn sōowa u nεε, a Isireliba sōowō a nεε, ben goo ù n kī u nε, Yinni Gusunō yākuru kua, u koo kpī u ketε go, ñ kun mε yāaru.

<sup>3</sup> N n yāku dōo mwaararugira yēro u mō ka ketε, ketε ye, ya ko n sāawa ketε kineru te ta ñ alebu gaa mō. U koo yāku te kowa nen sāa yerun kōnnōwō, kpa u ka nε, Yinni Gusunōn durom wa. <sup>4</sup> U koo win nōma sōndiwa ketε yen wiru wōllō ye nε Gusunō na wura yu ka win durum wukiri. <sup>5</sup> U koo ketε ye gowa nε, Yinni Gusunōn wuswaāō nen kuu ten

kənnəwə. Aronin bibu be ba sãa yāku kowobu, beya ba koo yen yem sua kpa bu mu yēka bu ka yāku yee ten nɔɔ bɔka sikerena. <sup>6</sup> Yen biru ba koo sabe te kokuwa kpa bu ten yaa bətiri. <sup>7</sup> Yāku kowo bera ba koo yāku dāa yi yi kpa bu dɔɔ doke. <sup>8</sup> Dɔɔ wi sɔra ba koo ye kpuro doke ka yen wiru ka yen gum. <sup>9</sup> Ba koo yen bɔsɔ yānu ka yen wɔbunu kpuro teawa kpa yāku kowobu bu ye kpuro dɔɔ doke. Ya ko n sãawa yāku dɔɔ mwaararuginu nin nubura koo nɛ, Yinni Gusunɔ dore.

<sup>10</sup> Goo ù n maa yāku dɔɔ mwaararugiru m̀ ka yāaru, ñ kun mɛ ka boo, yāa kinera u koo go, ñ kun mɛ boo kineru te ta ñ alebu gaa mɔ. <sup>11</sup> U koo tu sakawa yāku yerun sɔɔ yēsən nɔm geu gia Yinni Gusunɔn wuswaaɔ kpa yāku kowobu bu ten yem sua bu yēka yēka bu ka yāku yerun nɔɔ bɔka sikerena. <sup>12</sup> U koo yaa ye bətiriwa kpa u kpɛɛ yāku dɔɔ sɔɔ ka yen wiru ka yen gum sannu. <sup>13</sup> U koo yen bɔsɔ yānu ka yen wɔbunu sua u teawa, kpa yāku kowo u ye kpuro sua u dɔɔ doke, yu dɔɔ mwaara mam mam. Ya ko n sãawa yāku dɔɔ mwaararugiru tèn nubura koo nɛ, Yinni Gusunɔ dore.

<sup>14</sup> Goo ù n yāku dɔɔ mwaararugiru m̀ ka gunɔsu, kparukona u koo ka tu ko, ñ kun mɛ totoberenu. <sup>15</sup> Yāku kowo u koo ka gunɔ ge na yāku yerɔ. Kpa u gen wiru bura kpa u gen yem yēka yēka yāku yee ten yēsaa. <sup>16</sup> U koo gen sansu wukiriwa kpa u gen yɔru wīa u kɔ yāku yerun sɔɔ yari yeru gia m̀ ba ra torom wisi. <sup>17</sup> Kpa u gu bera besi yiru u kun sɔsianɛ. Yen biruwa u koo gu dɔɔ kpɛɛ, kpa gu dɔɔ mwaara. Ya ko n sãawa yāku dɔɔ mwaararugiru tèn nuburu ta koo nɛ Yinni Gusunɔ dore.

## 2

### *Yáku ni ba kua ka dǎa binnu*

<sup>1</sup> Goo ù n kǐ u Yinni Gusunǎ yākuru kua ka win dǎa binnu, soma u koo sua, u mu burina ka gum ka sere turare ye ba ra dǎo doke yáku yerǎ. <sup>2</sup> U koo ka ye dawa Aronin bibun mi be ba sǎa yáku kowobu. Ben turowa u koo som mɛn nǎm wǎo teeru sǎka u doke yáku yerun wǎllǎ ka turare ye kpuro kpa u dǎo doke. Yera ya koo de Gusunǎ u n yēro yaaye. Ya ko n sǎawa yáku dǎo mwaararugiru tèn nubura koo Yinni Gusunǎ dore. <sup>3</sup> Som mɛ mu tie mu ko n sǎawa Aroni ka win bibugim. Mu kuawa mi dǎa dɛɛranu, domi ba ka nu Yinni Gusunǎ yākuru kua.

<sup>4</sup> À n Yinni Gusunǎ yākuru kuamme ka kira ni ba wǎɔwa, kaa nu kowa ka som mɛ ba gum yēka ñ kun mɛ mɛ ba ka gum burina ba ñ seeyatia doke.

<sup>5</sup> Bà n koo yáku te kon na ka kira ni ba sǎnwa, ba koo nu kowa ka som buu te ba burina ka gum, seeyatia sari. <sup>6</sup> Yen biru ba koo nu muririwa kpa bu gum yēka nin wǎllǎ. Ya ko n sǎawa yākuru.

<sup>7</sup> Bà n koo yáku te kon na, ka kira te ba koo wǎ, ba koo tu kowa ka som buuru te ba burina ka gum.

<sup>8</sup> Ba koo ka yáku kira te dawa Yinni Gusunǎn sǎa yerǎ. Kpa u tu yáku kowo wē u ka tu da yáku yerǎ.

<sup>9</sup> U koo ten garu mura te ta koo de Yinni Gusunǎ u n yēro yaaye kpa u tu dǎo doke yáku yee ten mi, kpa tu dǎo mwaara. Ta ko n sǎawa yáku dǎo mwaararugiru tèn nubura koo Yinni Gusunǎ dore.

<sup>10</sup> Kira ni nu tie, Aroni ka win biba ba ni mǎ. Nu kuawa mi dǎa dɛɛranu domi ba ka nu Gusunǎ yáku dǎo mwaararugiru kua.

<sup>11</sup> Kira ni ba koo ka yáku dǎo mwaararugiru ko kpuro, bu ku raa nu seeyatia doke, bu ku raa maa

nu tim doke. <sup>12</sup> Kaa kpī a ka wunen dīa gbiikinu Yinni Gusunō naawa. Adama a n̄ ka nu yāku dōō mwaararuginu m̄ yāku yerō.

<sup>13</sup> Dīa ni a ka yākuru m̄ kpuro, kaa nu b̄oru dokewa. A ku duari a kun tu doke. Domi b̄oru ta s̄awa wunε ka Gusunōn arukawanin yīreru. Yen sōna ba ko n da tu doke yākuru baatere sōō.

<sup>14</sup> I n kī i ka b̄een gberun dīa gbiikinu na Yinni Gusunōn mi, i ko i nu s̄mewa kpa i nu nam i sere ka na. <sup>15</sup> Kpa i ka nu gum burina, i turare s̄andi nin w̄ollō. Ya ko n s̄awa yākuru. <sup>16</sup> Yāku kowowa u koo som mε mu s̄aa Gusunōgim dōō doke ka sere maa turare ye. Yera ya koo de Gusunō u n yēro yaaye. Ya ko n s̄awa yāku dōō mwaararugiru Yinni Gusunōn s̄ō.

### 3

#### *Siarabun yākunu*

<sup>1</sup> Goo ù n siarabun yākuru m̄ Yinni Gusunōn mi ka ketε kineru, n̄ kun mε ka ketε nia, yen ye u wa kpurowa u koo ka na, ya kun gesi alebu m̄. <sup>2</sup> U koo win n̄omu s̄andiwa ketε yen wiru w̄ollō kpa u ye saka kuu ten k̄onnōwō mi ba ra Yinni Gusunō s̄a. Kpa yāku kowo Aronin bibu bu yen yem yēka bu ka s̄aa yerun n̄ō b̄oka sikerena. <sup>3</sup> Wee ye ba koo Yinni Gusunō dōō dokea, yera gum mε mu b̄sō yānu tēke, <sup>4</sup> ka gabu swii yiru ka yin gum mε mu yi tēke yēsi yēsikaō, ka yen buro ge ga yen woru wukiri. Ba koo gu wīawa ka gabu swii sannu. <sup>5</sup> Yāku kowoba ba koo ye kpuro dōō doke yu dōō mwaara ka yāku dōō mwaararugiru sannu. Ya ko n s̄awa yāku t̄en nubura koo Yinni Gusunō dore.

<sup>6</sup> Goo ù n siarabun yākuru m̀ ka yāaru, yāa te u wa kpurowa u koo ka na, baa ñ n nirun na, ta kun gesi alebu m̀. <sup>7</sup> N n yāa kpendun na, u koo ka tu dawá Yinni Gusuǹn wuswaa. <sup>8</sup> Kpa u win ǹma s̀ndi ten wiru ẁll̀ u sere tu saka Yinni Gusuǹn kurun k̀nǹẁ. Saa yera yāku kowobu ba koo ten yem sua bu yēka bu ka yāku yee ten ǹ b̀ka sikerena. <sup>9</sup> Wee ye ba koo Yinni Gusuǹ d̀ dokea, yera ten gum, ka ten siru kpuro te ba koo bura saa ten gabu wāan di, ka gum m̀ mu b̀s̀nu wukiri, <sup>10</sup> ka ten gabu swii, ka ten gum m̀ mu wāa yēsaa ka ten buro ge ga woru wukiri, ge ba koo wāa ka gabu swii sannu. <sup>11</sup> Yāku kowo u koo ye kpuro d̀ dokewa yāku yer̀, kpa ya n sāa yāku d̀ mwaararugiru Yinni Gusuǹn s̄.

<sup>12</sup> Goo ù n maa ka boo yākuru m̀, u koo ka gu dawá Yinni Gusuǹn wuswaa. <sup>13</sup> U koo win ǹma s̀ndiwa boo gen wiru ẁll̀ kuu ten k̀nǹẁ, kpa u sere gu saka. Kpa yāku kowobu bu gen yem sua bu yēka yāku yerun ǹ b̀ka bu ka sikerena. <sup>14</sup> Wee ye ba koo Yinni Gusuǹ d̀ dokea, yera gum m̀ mu gen b̀s̀ yānu tēke, <sup>15</sup> ka gabu swii yiru ka gum m̀ mu yi tēke ka gen buro ge ga woru wukiri, ge ba koo wāa ka gabu swii sannu. <sup>16</sup> Yāku kowowa u koo ye kpuro d̀ doke mu d̀ mwaara. Kpa ya n sāa yāku d̀ mwaararugiru t̀n nubura koo Yinni Gusuǹ dore.

Yen gum kpuro mu ko n sāawa Yinni Gusuǹ gim. <sup>17</sup> Yen s̄na baa ñ n saa yeren na, mi i wāa kpuro, i wooda yeni m̀m ǹẁ sere ka baadomma, yera i ku yaa gum di, i ku maa yen yem di.

## *Toranun yākunu*

### *1. Yāku kowo tənweron*

#### *toranun yākuru*

<sup>1</sup> Yinni Gusunɔ u Mɔwisi sɔɔwɔ u nɛɛ, <sup>2</sup> a Isireliba wooda yeniba sɔɔwɔ a nɛɛ, goo ù n Yinni Gusunɔn wooda gaa tora u kun yě, wee ye u koo ko.

<sup>3</sup> N n yāku kowon na u tora, ma win tora te, ta Isireliba kpuro torasia, u koo ka kete kinε kpɛmbu nawa ge ga ñ alebu gaa mɔ, u go u ka win tora ten suuru wa. <sup>4</sup> U koo ka kete ye dawa Yinni Gusunɔn kurun kɔnnɔwɔ, kpɔ u win nɔma sɔndi yen wiru wɔllɔ u sere ye sakɔ Yinni Gusunɔn wuswaaɔ. <sup>5</sup> Yen biru kpɔ u yen yem sua u ka da kuu ten sɔɔwɔ. <sup>6</sup> U koo ka mu win niki bia dekawa, kpɔ u mu yēka nɔn nɔɔba yiru kuu ten beku kare ten bera gia Yinni Gusunɔn wuswaaɔ. <sup>7</sup> Yen biru u koo yem mε yēka kpakoro tɛn mi ba ra turare dɔɔ doken kɔanɔ te ta wāa kuu ten sɔɔwɔ, kpɔ u mɛn sukum wisi yāku yerun temɔ te ta wāa kuu ten kɔnnɔwɔ. <sup>8</sup> U koo yaa yen gum kpuro wuna mε mu wāa bɔsɔ yānu sɔɔ, <sup>9</sup> ka yen gabu swii, ka gum mε mu gabu swii yi wukiri yēsi yēsikaɔ, ka buro ge ga woru wukiri, ge ba koo wīa ka gabu swii sannu. <sup>10</sup> Ye ba ra wīε bà n siarabun yākuru mɔ gesi, yera ba koo maa wīa yeni sɔɔ. Yen biru yāku kowo tənwerowa u koo ye dɔɔ doke yāku yerun wɔllɔ. <sup>11-12</sup> U koo ye ya tie kpuro gurawa u ka da sansanin biruɔ mi ba gɔsa ba n da yāku dɔɔ mwaararugirun torom kube. Miya u koo yen gɔna ka yaa ye ya tie kpuro dɔɔ doke torom mɛn wɔllɔ, ka yen wiru ka yen wɔbunu ka yen bɔsɔ yānu.

### *2. Yāku te ba koo ko*

### *Isireliba kpuron torarun sã*

<sup>13</sup> Isireliba kpuro bà n Gusunɔn wooda gaa sara ba ñ ka baaru, ba torawa mi. <sup>14</sup> Adama bà n tuba ma ba torawa mi, ba koo naa kinε kpɛmbu gowa bu ka ben tora ten suuru kana. Ba koo ka naa kinε te dawa Yinni Gusunɔn kurun kɔnnɔwɔ. <sup>15</sup> Kpa Isireliban wirugibu bu ben nɔma sɔndi naa yen wiru wɔllɔ kpa ben turo u ye saka Yinni Gusunɔn wuswaaɔ. <sup>16</sup> Yãku kowo tɔnwerowa u koo yen yɛm fiiko sua u ka da kuu ten mi. <sup>17</sup> Saa ye sɔɔra u koo yɛm mɛ dɛka ka win niki bia kpa u mu yɛka nɔn nɔɔba yiru kuu ten beku kare ten deedeeru. <sup>18</sup> Yen biru, kpa u maa kpakoro tɛn mi u ra turare dɔɔ doken kãanu yɛm yɛka. Yɛm mɛ mu tie, kpa u mu wisi yãku yerun temɔ te ta wãa kuu ten kɔnnɔwɔ. <sup>19</sup> Yen biru u koo yaa yen gum kpuro sua u dɔɔ doke yãku yerun wɔllɔ. <sup>20</sup> Nge mɛ u raa kua win tiin torarun sã, nge mɛya u koo ko Isireliba kpuron tora ten sã kpa Gusunɔ u sere bu suuru kua. <sup>21</sup> Yen biru kpa u ka yaa ye ya tie da sansanin biruɔ kpa bu ye doke dɔɔ sɔɔ nge mɛ ba raa kua wi, yãku kowon torarun sã. Yãku te, ta sãawa Isireliba kpuro bu ka ben torarun suuru wa.

### *3. Yãku te Isireliban wirugii*

#### *u koo ko win torarun sã*

<sup>22</sup> Isireliban wirugii goo ù n Gusunɔn wooda gaa sara u ñ ka baaru, u torawa mi. <sup>23</sup> Adama ù n tuba ma u tora, boo kinaɔa u koo go te ta ñ alebu gaa mɔ u ka yãkuru ko. Kpa Gusunɔ u nùn win tora te suuru kua. <sup>24</sup> U n ka boo ge na, u koo win nɔma sɔndiwa boo gen wɔllɔ kpa u gu saka mi ba ra yãku dɔɔ mwaararuginun yaa sake. Yãku te, ta sãawa torarun suurugiru. <sup>25</sup> Yãku kowo wi, u koo ka win

niki bia yem me dekawa kpa u mu yēka yāku yerun kāanu sɔɔ. Yem me mu tie, kpa u mu wisi yāku yee ten temɔ. <sup>26</sup> U koo yaa yen gum kpuro suawa u dɔɔ doke nge me ba ra siarabun yākuru ko. Nge meya yāku kowo tɔnwero wi, u koo ko u ka wirugii win torarun suuru kana. Saa ye sɔɔ, Gusunɔ u koo nùn tu suuru kua.

#### *4. Yāku te ba koo ko*

##### *tɔn diron torarun sɔ*

<sup>27</sup> Tɔn diro goo ù n Gusunɔn wooda gaa sara u ñ ka baaru, u torawa mi. <sup>28</sup> Adama ù n tuba ma u torawa, boo niu ge ga ñ alebu gaa mɔwa u koo ka yākuru ko Gusunɔ u ka nùn win toraru suuru kua. <sup>29</sup> U koo win nɔma sɔndiwa boo gen wiru wɔllɔ kpa u gu saka mi ba ra yāku dɔɔ mwaararugirun yaa sake. <sup>30</sup> Yen biru, yāku kowo u koo na u yem me deka ka win niki bia, kpa u mu yēka yāku yerun kāanɔ, kpa u yem me mu tie wisi yāku yee ten temɔ. <sup>31</sup> Yen biru, ba koo yaa yen gum kpuro wɔawa nge me ba ra siarabun yākurugim wɛ. Kpa yāku kowo u mu dɔɔ menɛ, kpa men nuburu tu Yinni Gusunɔ dore. Nge meya yāku kowo wi, u koo ka toro wi suuru kana. Saa ye sɔɔ, Gusunɔ u koo nùn suuru kua.

<sup>32</sup> Toro wi, ù n maa kɔn na, u ka yāa kpendu yākuru ko, yāa nira u koo ka na u go, te ta ñ alebu mɔ, u ka win torarun suuru wa. <sup>33</sup> U n kɔ u tu go, u koo win nɔma sɔndiwa ten wiru wɔllɔ kpa u tu saka mi ba ra yāku dɔɔ mwaararugirun yaa go. <sup>34</sup> Yen biru yāku kowo u koo yem me deka ka win niki bia u mu yēka yāku yerun kāanɔ. Yem me mu tie kpa u mu wisi sãa yee ten temɔ. <sup>35</sup> Yen biru u koo yen



gum wĩawa nge mε ba ra siarabun yākurugim wĩε. Yāku kowowa u koo mε kpuro dōo doke ka yāku dōo mwaararugiru sannu. Nge mεya yāku kowo wi, u koo ko u ka toro wi suuru kana. Saa ye sōra Yinni Gusunō u koo nùn win tora te suuru kua.

## 5

### *5. Tora bwese bwesekan*

#### *yākunu*

<sup>1</sup> Su tē nεε, goo u bōrua ma u koo seeda di gāa ni u wan sō, adama u n gerua ye u wa, n kun mε ye u yē. Saa ye sōo, yēro u torawa mi.

<sup>2</sup> Su tē kpam nεε, goo u gāanu baba ye ya disi mō u kun ka baaru, aa, yaa sabe te ba ku ra din gora? N kun mε gbeeku yaa ye ba ku ra din gora? N kun mε yaa ye ya ra kabirin gora? Saa ye sōo, yēro u disi duurawa mi.

<sup>3</sup> Su maa tē nεε, goo ù n win winsim baba wi u disi gεε mō yi yi koo nùn tia, n deema u n yē, ma u ra ye tuba, yēro u torawa mi.

<sup>4</sup> Toraru garu wee maa. Su tē nεε, goo u bōrua u win winsim kōsa kua n kun mε u nùn gea kua, u n bwisika, ù n deema gari yi, gari giriya u gerua, yēro u torawa mi.

<sup>5</sup> Goo ù n tora nin garu kua, u koo yen tuuba kowa. <sup>6</sup> Adama u sere tora ten suuru wa, u koo yāa niru n kun mε boo niu gowa u ka Yinni Gusunō yākuru kua. Yen biru yāku kowo u koo nùn suuru kanabun wororu koosi, kpa u sere win torarun suuru wa.

### *6. Bwēebwēebun*

#### *toranun yākuru*

<sup>7</sup> Goo ù kun kpě u yã niru ñ kun me boo niu wa u ka torarun yãkuru ko, u koo kpĩ u kparukonu yiru ñ kun me totoberenu yiru kasu. Gunə gen teuwa ba koo ka torarun yãkuru ko. Kpa bu maa ka teu geni yãku dɔɔ mwaararugiru ko. <sup>8</sup> Ba koo gina yãku kowo wi gunə ge wěwa ge ba ka torarun suuru kanabu na mi, kpa u gen wĩiru bua u kun sɔsie. <sup>9</sup> Kpa u gen yem deka u yěke yãku yerun nɔɔ bɔkaɔ, me mu tie kpa u wisi ten temə. Ya ko n sãawa torarun yãkuru. <sup>10</sup> Yen biru yãku kowo u koo gunə yiruse sua nge me wooda ya gerua u ka yãku dɔɔ mwaararugiru garu ko. Kpa u nùn suuru kanabun wororu koosi. Nge meya Gusunə u koo ka yěro suuru kua.

<sup>11</sup> Goo ù kun kpě u kparukonu yiru ye wa, ñ kun me totoberenu yiru ye, u ka som buuru kilo nne na u ka yãkuru ko kpa u ka win torarun suuru wa. Adama u ku mu gum doke, u ku maa mu turare doke, domi u ka mu nawa u ka win torarun suuru wa. <sup>12</sup> U koo ka som me dawa yãku kowon mi kpa yãku kowo wi, u men nəm kure teeru sɔka u dɔɔ doke mi ba ra yãku dɔɔ mwaararugiru ko. Som nəm kure tee te, ta koo de Yinni Gusunə u n yěro yaaye. Yãku tera ta koo de u win torarun suuru wa. <sup>13</sup> Saa ye sɔɔ, yãku kowo wi, u koo wi u tora suuru kanabun wororu koosi. Kpa Gusunə u nùn win torarun suuru kua.

Kpa yãku kowo u me mu tie sua win tiin sɔ, nge gberun dīanun yãkunu.

*Yãku ni ba ra ka toranu sɔme*

<sup>14</sup> Yinni Gusunə u Mɔwisi sɔɔwa u neɛ, <sup>15</sup> goo ù n gāanu neni ni n weene u Yinni Gusunən wě, ma u ñ yě ma Yinni Gusunəgina, wee ye u koo ko

win tora ten sō. Kaa nùn yāa kineru te ta ñ alebu gaa mən geeru burawa te u koo kasu u ka na u ka torarun sɔmbun yākuru ko. Kaa ten gee te burawa ka sii geesun gobi yi ba ra di Yinni Gusunən kuu bekurugirɔ. <sup>16</sup> Kpa u ka gāa ni u neni mi na. Yen biruwa u koo maa ka nin bənu nɔɔbusen tia na. Yāku kowowa u koo ye wē. Yāku kowo wiya u koo nùn torarun yākuru kua, kpa u sere suuru wa.

<sup>17</sup> Goo ù n Yinni Gusunən wooda gaa sara, baa u kun yē, u torawa mi. Yen torara ko n nùn wāasiwa.

<sup>18</sup> Yen sō, u koo ka yāa kineru te ta ñ alebu gaa mɔ dawa yāku kowon mi, win tora ten sō nge mɛ n weenɛ u kɔsia. Kpa yāku kowo u nùn suuru kanabun wororu koosi. Saa ye sɔɔra Gusunɔ u koo nùn suuru kua. <sup>19</sup> Ya ko n sāawa torarun sɔmbun yākuru. Domi yēro u Yinni Gusunɔ torariwa.

<sup>20</sup> Yinni Gusunɔ u kpaM Məwisi sōɔwa u nɛɛ, <sup>21</sup> goo ù n win winsim weesu kua gāa ni u nùn berusie sɔɔ, ñ kun mɛ u bəkura, ñ kun mɛ u gbɛna, ñ kun mɛ u kawa, <sup>22</sup> ñ kun mɛ u gāanu dɔba ma u siki, ñ kun mɛ u bōri weesugii kua, <sup>23</sup> tɔnu win bweseru u Yinni Gusunɔ torariwa mi. U koo gāa ni u gbɛna mi wesia, ñ kun mɛ ni u kawa mi, ñ kun mɛ ye ba nùn berusia mi, ñ kun mɛ ye u dɔba ma u siki, <sup>24</sup> ñ kun mɛ yèn bōri u kua mi. Adama n ñ mɔ ye tɔna u koo wesia. U koo maa yen bənu nɔɔbusen tia kɔsiawa dɔma te u koo win torarun sɔmbun yākuru ko. <sup>25</sup> U koo ka yāa kineru dawa yāku kowon mi, te ta gāa nin gobin saka tura bu ka ye Yinni Gusunɔ yākuru kua. <sup>26</sup> Yinni Gusunən wuswaaɔra yāku kowo u koo nùn suuru kanabun wororu koosi. Yen biru Gusunɔ u koo yēro suuru kua, baa ñ n mɛren na win torara nɛ.

## 6

### *Yākunun woodaba*

#### *1. Yāku dǎo mwaararugii*

##### *te yāku kowobu ba ko n da ko*

<sup>1</sup> Yinni Gusunǎ u Mǎwisi sǎowa u nεε, <sup>2</sup> a Aroni ka win bibu wooda yeni wǎeyǎ a nεε, wee ye ya sǎa yāku dǎo mwaararugirun wooda.

Ten yāku yaa ya ko n wǎawa dǎo sǎo wǎku giriru, kpa bu ku de dǎo wi, u gbi sere yam mu ka sǎra. <sup>3</sup> Yen biru yāku kowo u koo win tako sebewa ka win sokoto kpiriru kpa u yāku dǎo mwaararugii ten torom gura u yi yāku yee ten bǎkuǎ. <sup>4</sup> Yen biruwa u koo win yǎa ni pota kpa u kpaanu doke u sere torom mε sua u ka yari sansanin di. Kpa u ka mu da yam mi ba gǎsa mǎn sǎ u yi mi. <sup>5</sup> Dǎo wi u mwaaramǎ yāku yee ten mi, ba ñ koo de u gbi pai! Bururu baatere yāku kowo u ko n da tu dǎa dokewa. Yen wǎllǎwa u koo yāku yaa sǎndi ka sere siarabun yāku gum. <sup>6</sup> Dǎo u ko n wǎawa yāku yee te sǎo sere ka baadommaǎ, ba ñ koo de u gbi.

#### *2. Yākuru te ba ra ko*

##### *ka gberun dīanu*

<sup>7</sup> Yāku te ba ra ko ka gberun dīanun wooda wee. Aronin biba ba ko n da ka tu de yāku yerǎ Yinni Gusunǎn wuswaaǎ. <sup>8</sup> Kpa ben wi u yākuru mǎ dǎma te, u som nǎm kure teeru sǎka mε ba ka yākuru na mε ba gum wisi, ka turare kpuro, kpa bu ye kpuro mǎna bu dǎo doke kpa ten nuburu tu Gusunǎ dore kpa u n yǎro yaaye. <sup>9-10</sup> Som mε mu tiara Aroni ka win biba ba koo mε di. Yera ya ko n sǎa begia yāku dǎo mwaararugiru sǎo. Adama ba koo mu

diwa Yinni Gusunən kuu bekurugirun yaaraa. Ba ñ me pɛɛ seeyatia dokemə. Ya sáawa nenem nge yáku te ba kua bu ka torarun suuru wan dīanu, ñ kun me te ba ra ka toraru səmən dīanu. <sup>11</sup> Aronin bii tən durə baawurewa u koo dīa ni di. Yeni ya ko n sáawa wooda win bibun bweseru sɔɔ sere ka baadommaa. Tən tuko wi u koo nu baba kpuro u koo gbiwa.

<sup>12</sup> Yinni Gusunə u kɔam Məwisi sɔɔwa u neɛ, yáku te Aroni ka win bibu ba koo Yinni Gusunə kua wee.

<sup>13</sup> Bà n Aroni ka win bibu tusia ma ba kua nen yáku kowobu, saa dɔma ten diya ba ko n da som kilo ita ka yáku ko tɔɔ baatere, tia ka bənu bururu, yoka maa tia ka bənu. <sup>14</sup> Ba koo som me məmwa buturu buturu, kpa bu me sɔme siru sɔɔ ka gum, kpa men nuburu tu ne, Yinni Gusunə dore.

<sup>15</sup> Yáku kowo wi ba gum täre ba gɔsa Aronin bibu sɔɔ u ka nùn kəsire ko, win tii u koo tu kowa. Ya ko n sáawa wooda sere ka baadommaa ne, Yinni Gusunən sɔ. Ba koo som me dɔɔ dokewa kpuro.

<sup>16</sup> Yáku te yáku kowon tii u kua, ba koo de tu dɔɔ mwaarawa mam mam, ba ñ koo tu di.

### *3. Yáku te ba koo ko*

#### *bu ka suuru kana*

<sup>17</sup> Yinni Gusunə u maa Məwisi sɔɔwa u neɛ, <sup>18</sup> a Aroni ka win bibu sɔɔwə a neɛ, yáku te ba koo ko bu ka suuru kanan wooda wee.

Yam mi ba ra yáku dɔɔ mwaararugirun yáku yaa sake, miya ba koo yáku tenin yaa saka. Ya ko n sáawa gā dɛranu. <sup>19</sup> Yáku kowo wi u koo yáku te ko wiya u koo ye di. U koo ye diwa yam dɛramə, kuu ten yaaraa. <sup>20</sup> Tən tuko wi u koo yáku yaa ye baba kpuro u koo gbiwa. Yáku yaa yen yem mù

n wisi win yaberɔ u koo tu teawa yam dɛeram mi.  
<sup>21</sup> Bā n tu sawa wekeru sɔɔ te ba kua ka sɔndu, ba  
 koo weke te kɔrawa. N n maa weke te ba kua ka sii  
 gandun na, ba koo tu teawa sã sã ka nim. <sup>22</sup> Yāku  
 kowo tɔn durɔ baawurewa u koo kpī u tu di domi  
 ta sãawa dīa dɛeranu. <sup>23</sup> Adama ba n̄ koo torarun  
 yāku yaa tem tɛn yem ba ka dua sãa yerɔ. Ba koo ye  
 d̄ɔ dokewa yu d̄ɔ mwaara mam mam.

## 7

### 4. *Yāku te ba ra ko*

#### *bu ka toraru sɔmɛ*

<sup>1</sup> Yinni Gusunɔ u Mɔwisi s̄ɔwa u nɛɛ, yāku te ba  
 ra ko bu ka toraru sɔmɛn wooda wee.

Yāku te, ta ko n sãawa yāku dɛeraru. <sup>2</sup> Mi ba  
 ra yāku d̄ɔ mwaararugirun yaa sake, miya ba koo  
 maa ten yaa saka, kpa bu yaa yen yem yēka yāku  
 yerun n̄ɔ bɔkaɔ bu ka sikerena. <sup>3</sup> Yaa mi ba koo  
 ka Yinni Gusunɔ yākuru kua wee, yera yen gum  
 kpuro, ka yen siru ka b̄sɔ yānun gum, <sup>4</sup> ka yen  
 gabu swii yiru, ka gum mɛ mu yi tēke yēsi yēsika,  
 ka yen buro ge ga woru wukiri. <sup>5</sup> Yāku kowo u  
 koo ye kpuro d̄ɔ dokewa yāku yerɔ Yinni Gusunɔn  
 s̄ɔ. Yāku te, ta sãawa te ta koo toraru sɔmɛ. <sup>6</sup> Yāku  
 kowo tɔn durɔ baawurewa u koo tu di. Ba koo tu  
 diwa yam dɛeramɔ domi ta sãawa dīa dɛeranu. <sup>7</sup> Yen  
 wooda ye, ya sãawa tia ka torarun yākurugia. Yāku  
 kowo wi u yāku te kua, wiya u yen yaa m̄ɔ.

### 5. *Ye ya ko n sãa*

#### *yāku kowobugia*

<sup>8</sup> Goo ù n yāku d̄ɔ mwaararugiru kua, yāku  
 kowo wi u n̄n tu kua wiya u ten gɔna m̄ɔ. <sup>9</sup> Yāku

te ba kua ka gberun dīanu ba wḗwawa? Aawo, ba sḗnwawa? Yāku kowo wi u tu kua wiya u tu mḗ. <sup>10</sup> Adama ni ba ka gum burina ka ni ba ñ yeesie, ba koo nu Aronin bibu bḗnu kuawa.

### 6. *Siarabun yākuru*

<sup>11</sup> Siarabun yākurun wooda wee.

<sup>12</sup> Goo ù n siarabun yākuru mḗ, u koo kira bwe-senu ita kowa. U koo gbiikinu ko ka gum nu kun seeyatia mḗ, kpa u yirusenun som gum yēka nu kun seeyatia mḗ, kpa u itasenun som burina ka gum u sḗmε. <sup>13</sup> Kira nin biru, u koo pēε ye ba seeyatia doke sosi mi, ka sere win siarabun yākunun yaa. <sup>14</sup> Ba koo yāku dīa nin baaniren sukum suawa wḗllḗ bu Yinni Gusunḗ sḗsi. Yera ya ko n sāa wi u yem yēkaginu. <sup>15</sup> Dḗma te ba siara bin yākuru kua, yen dḗma tera ba koo ten yaa di, ba ñ koo de ten yaa yu yam sāra.

<sup>16</sup> Adama goo ù n yākuru kua u ka win nḗ mweeru yibia ñ kun mε win tii ù n gḗru doke u ka nε, Yinni Gusunḗ kēru wē, u koo kpī u ten yaan sukum di yen tḗḗ te, kpa u sukum yi sere sisiru.

<sup>17</sup> Adama yà n maa wure ya tiara sḗḗ itaseru ba koo ye dḗḗ meniwa. <sup>18</sup> Goo ù n siarabun yāku yaa ye ya tiara sere sḗḗ ita tema, Gusunḗ kun maa yēron yāku te mwaamḗ. U win yākuru garisiwa mi kam domi yaa ye, ya disi duura. Wì u maa ye tema, yēro u torawa mi. <sup>19</sup> Meyā bà n maa ka yāku yaa gāanu baba ni nu disi mḗ, ba koo ye dḗḗ meniwa, ba ñ ye dimḗ.

Wi u kun disi mḗ, wiya koo yāku yaa tem, <sup>20</sup> adama goo ù n wāa disi gεε sḗḗ u ka siarabun yākuru dimḗ te ba Yinni Gusunḗ kua, ba koo yēro

girawa win t̄ambun suunu s̄aon di. <sup>21</sup> Goo ù n maa tonu baba wi u disi m̄o, ñ kun m̄e yaa gaa ye ya s̄aa seseru, ñ kun m̄e ḡaanu ganu ni nu disi m̄o, ma u ka siarabun ȳākuru di te ba Yinni Gusun̄o kua ba koo ȳero girawa win t̄ambun suunu s̄aon di.

### *Wooda Isireliban s̄a*

<sup>22</sup> Yinni Gusun̄o u maa M̄owisi s̄oowa u n̄eε, <sup>23</sup> a Isireliba s̄oowa a n̄eε, bu ku yaa gaan gum di nge ȳaaru ñ kun m̄e ket̄e, ñ kun m̄e boo. Bu ku yen gaan gum di. <sup>24</sup> Sabe te gbeeku yaa ya go, ñ kun m̄e te ta gu, i ko i kp̄i i ka ten gum ḡaanu ko. Adama i ñ mu dim̄o. <sup>25</sup> Goo ù n ȳakurun yaan gum di m̄e ba ka Yinni Gusun̄o ȳaku d̄o m̄waararugiru kua, ba koo ȳero girawa wigibun suunu s̄aon di. <sup>26</sup> I ku gun̄o gagun yem di ñ kun m̄e yaa gaa, baa mi i da kpuro. <sup>27</sup> Wi u mu di, ba koo ȳero girawa win t̄ambun suunu s̄aon di.

<sup>28</sup> Yinni Gusun̄o u M̄owisi s̄oowa u n̄eε, <sup>29</sup> a Isireliba wooda yeni w̄ε̄ȳo a n̄eε, goo ù n n̄e Yinni Gusun̄o siarabun ȳākuru kuamm̄e, u koo wunawa ye ya s̄aa n̄egia. <sup>30</sup> Win tiywa u koo ka n̄e, Yinni Gusun̄o yen gum ka yen guro guroru naawa u kpara n̄en wuswaāo. <sup>31</sup> Ȳaku kowowa u koo yen gum m̄e d̄o doke ȳaku yer̄o. Adama yaa guro guro te, ta ko n s̄awa Aroni ka win bibugiru. <sup>32</sup> Ȳaku yaa yen n̄omu n̄om geuguu ga ko n maa s̄awa Aroni ka win bibuguu. <sup>33</sup> Yaa n̄omu ge, ga ko n s̄awa Aronin biiguu wi u yem ȳeka ma u yaa gum m̄e doke ȳaku yer̄o. <sup>34</sup> Yaa n̄omu ge, ge ba man s̄osi, ka yen guro guro te ba kpara n̄en wuswaāo sanam m̄e ba siarabun ȳākuru m̄o mi, yera ya ko n da n s̄aa Aroni ka win bibugia sere ka baadomm̄āo.



<sup>35</sup> Yáku dǎo mwaararuginu sǎo, yeniwa ya ko n sǎa Aroni ka win bibugia dǎma tǎn di ba koo bu gum tǎre bu ka ko yáku kowobu. <sup>36</sup> Wooda yera Yinni Gusunǎ u Isireliba wǎemǎ bu ka Aroni ka win bibu yaa ye wǎ saa dǎma tǎn di ba bu gum tǎre bu ka ko yáku kowobu. Ba ko n da bu ye kuenta sere ka ben bibun bweserǎ.

<sup>37</sup> Nge mǎya ba ko n da ko bà n yáku dǎo mwaararugiru mǎ, ñ kun mǎ bà n yákuru mǎ ka gberun dǎanu, ñ kun mǎ bà n torarun yákuru mǎ, ñ kun mǎ bà n yákuru mǎ te ba ra ka toraru sǎmǎ, ñ kun mǎ te ba ra ko bu ka tǎnu gum tǎre u sere sǎmburu tore, ñ kun mǎ bà n siarabun yákuru mǎ. <sup>38</sup> Yinni Gusunǎwa u Mǎwisi wooda yeni wǎ gbaburǎ, Sinain guurǎ, tǎo te u bu wooda wǎ bu ka nǎn yáku kua.

## BA YÁKU KOWO GBIKOBU TUSIA KA WORORU

### 8

*Woro te ba koo ko*

*yáku kowobun sǎ bu sere*

*sǎmburu tore*

<sup>1</sup> Yinni Gusunǎ u Mǎwisi sǎowa u nǎe, <sup>2-3</sup> a Aroni ka win bibu sokuo Yinni Gusunǎn kurun kǎnnǎwǎ. Kpa a de bu ka ben yáku yǎnu na ka gum mǎ ba ra gǎanu tǎre bu ka nu gǎsi Yinni Gusunǎn sǎ ka naa kinǎ te ba koo ka torarun yákuru ko ka yǎa kinǎnu yiru ka bire te ta pǎe mǎ ye ba ñ seeyatia doke. A maa Isireliba kpuro mennǎ mi.

<sup>4</sup> Ma Mǎwisi u Yinni Gusunǎn gari yi wura u Isireliba kpuro mennǎ sǎa yee ten kǎnnǎ mi. <sup>5</sup> Ma u

bu sɔ́wá u nɛɛ, wee ye Yinni Gusunɔ́ u gerua su ko. <sup>6</sup> Ma u dera Aroni ka win bibu ba na u bu wobura. <sup>7</sup> Ma u Aroni win tako sebusia ka sɛ́katia ye, ka yabe boogugii te, ka yabe tarakpe ge, ge u gbinisi yabe boogugii te sɔ́ ka gen sɛ́katia. <sup>8</sup> Ma u bɔ́ bara ye sɔ́ndi win tororu wɔ́llɔ́. Ma u urimu ka tumimu doke bɔ́ bara yen sɔ́wɔ́. <sup>9</sup> Ma u dawani ye bɔ́kua win wirɔ́. Ma u wuran batani ye mani nge mɛ Yinni Gusunɔ́ u nùn sɔ́wá.

<sup>10</sup> Mɔ́wisi u gum mɛ sua u sãa yee te yɛ́ka ka ten dendi yãnu kpuro, ma ta kua nɛnɛm Yinni Gusunɔ́n sɔ́. <sup>11</sup> Ma u mu yɛ́ka nɔ́n nɔ́ba yiru yãku yerun wɔ́llɔ́, ka ten dendi yãnɔ́ ka boo sii ganduguu ge, ka gen yɔ́ratiiyɔ́, ye kpuro ya n ka sãa Gusunɔ́n kuu bekurugirugia. <sup>12</sup> Ma u Aroni gum mɛ tãre wirɔ́ u ka nùn wuna nɛnɛm u ko yãku kowo. <sup>13</sup> Yen biru Mɔ́wisi u maa Aronin bibu soka u bu takoba dokea ka sɛ́katii ka furɔ́su nge mɛ Yinni Gusunɔ́ u nùn sɔ́wá.

<sup>14</sup> Mɔ́wisi u maa ka naa kinɛru na te ba koo ka torarun yãkuru ko. Ma Aroni ka win bibu ba ben nɔ́ma sɔ́ndi naa kinɛ ten wiru wɔ́llɔ́. <sup>15</sup> Ma Mɔ́wisi u ye saka u yen yem dɛka ka win niki bia u tɛni yãku yerun kãanu wɔ́llɔ́ ka sere maa ten nɔ́ bɔ́kaɔ́ u ka sikerena. Nge mɛya u ka kuu te dɛɛrasia. Ma u maa yem yɛ́ka kuu ten temɔ́. Nge mɛya u ka kuu te kua nɛnɛm tèn mi ba ko n da toranun yãkuru ko. <sup>16</sup> Ma u yen gum mɛ sua mɛ mu bɔ́sɔ́ yãnu tɛ́ke ka yen buro ge ga woru wukiri ka yen gabu swii yiru ye, ka yin gum sannu. Ye kpurowa u dɔ́ doke yãku yerun wɔ́llɔ́. <sup>17</sup> Adama u naa kinɛ ten tii ka ten bisu ka ten gɔ́na yarawa tɔ́wɔ́ u dɔ́ doke nge mɛ Yinni Gusunɔ́ u nùn sɔ́wá.

<sup>18</sup> U maa ka yãa kinɛru na yãku dɔ́

mwaararugirun sō. Ma Aroni ka win bibu ba ben nōma sōndi yāa ten wiru wǎllō. <sup>19</sup> Ma Mōwisi u tu saka u ten yem yēka u ka yāku yee ten nō bōka sikerena. <sup>20</sup> Ma u yāa ten yaa bōra, yen biru u ten wiru dōo doke ka ten gum ka yaa ye u murura mi. <sup>21</sup> Ma u ten nuki ka ten kōri tea ka nim. Ma u yāa kinε ten yaa doke dōo sōo yāku yeru wǎllō u ka yāku dōo mwaararugiru kua nge mε Yinni Gusunō u gerua. Ma yāku ten nubura Yinni Gusunō dore.

<sup>22</sup> Yen biru u maa ka yāa kinεru yiruse na te ba koo ka Aroni ka win bibu tusia ma ba sāa yāku kowobu. Aroni ka win bibu ba ben nōma sōndi yāa ten wiru wǎllō. <sup>23</sup> Ma Mōwisi u tu saka, u ten yem sua u tēni Aronin soo nām geuguuō ka nām geun niki bii bakaō ka maa win nōo nām geuguun niki bii bakaō. <sup>24</sup> Ma u maa Aronin bibu soka u bu yaa yem mε tēni ben soo nām geugisō, ka maa nām geun niki bii bakanō ka ben naa nām geugisun niki bii bakanō. Ma u yem mε mu tie yēka yāku yee ten nōo bōkaō. <sup>25</sup> Ma u yen gum sua ka yen siru ka yen nukin gum ka yen burō ka yen gabu swii ka sere yen nām geu. <sup>26</sup> Ma u pēε sua bireru sōo ye ba ñ seeyatia doke ka kira te ba kua ka gum ka sere maa kira sōndanu. Ma u ye kpuro sōndi yaa gum mēn wǎllō ka yāa nōmu gen wǎllō. <sup>27</sup> Yen biru u ye Aroni ka win bibu wē. Ma u nεε, bu ye Yinni Gusunō wēeyō. Kpa bu ye sōosi beri berika. <sup>28</sup> Yen biru u ye kpuro mwa ben nōman di u dōo mēni yāku dōo mwaararugii ten wǎllō. Ma yen nubura Yinni Gusunō dore. Nge mēya ba ka Aroni ka win bibu wuna nεnεm. <sup>29</sup> Ma Mōwisi u yāa ten guro guroru sua u tu sōosi beri berika Yinni Gusunōn wuswaāō. Ma ta kua Mōwisigiru nge mε Yinni Gusunō u nūn

sɔɔwa.

<sup>30</sup> Mɔwisi u gum mɛ sua ka yɛm fiiko mɛ mu wāa yāku yeru wɔllɔ, ma u mu Aroni yɛka ka win sāa yānɔ ka sere maa win bibun wɔllɔ ka ben sāa yānu sɔɔ. Nge mɛya u ka ye kpuro dɛɛrasia u yi nɛnɛm.

<sup>31</sup> Ma Mɔwisi u Aroni ka win bibu sɔɔwa u nɛɛ, i yāku yaa ye saawo Yinni Gusunɔn wuswaaɔ. Miya i ko i ye di ka pɛɛ ye ya wāa bire te sɔɔ. Bɛɛya i ko ye di nge mɛ Yinni Gusunɔ u gerua. <sup>32</sup> Yaa ka pɛɛ ye ya tiara, i ko ye kpuro dokewa dɔɔ sɔɔ yu dɔɔ mwaara. <sup>33</sup> I ko i n wāawa kuu ten kɔnnɔ mi sere sɔɔ nɔɔba yiru. I n̄ yariɔ min di. Domi sɔɔ nɔɔba yiruwā i ko i ko ba n bɛɛ tusiamɔ. <sup>34</sup> Yinni Gusunɔwa u yenin wooda wɛ i n da ko nge mɛ i wa sa kua gisɔ i ka bɛɛn toranun suuru wa. <sup>35</sup> N n mɛn na, i ko i sinawa kuu ten kɔnnɔ mi sere sɔɔ nɔɔba yiru, wākuru ka sɔɔ sɔɔ. Kpa i win woodaba mɛm nɔɔwa i ku ra ka gbin sɔ. Wooda be Yinni Gusunɔ u man wɛ bera mi.

<sup>36</sup> Ma Aroni ka win bibu kpuro ba kua ye Yinni Gusunɔ u bu yiire saa Mɔwisin min di.

## 9

### *Aroni ka win bibu*

#### *ba sɔmburu torua*

<sup>1</sup> Sɔɔ nɔɔba itase, Mɔwisi u Aroni ka win bibu soka ka sere Isireliban guro gurobu. <sup>2</sup> U Aroni sɔɔwa u nɛɛ, a naa kinɛ kpendu suo a ka yākuru ko wunɛn torarun sɔ, kpa a yāa kinɛru kasu a ka yāku dɔɔ mwaararugiru ko. A n̄ kaa de yen gaa ya n alebu mɔ. Kpa a ka ye kpuro Yinni Gusunɔ yākuru kua sāa yerɔ. <sup>3</sup> Yen biru kaa Isireliba sɔ a nɛɛ, bu boo kinɛru suo ben torarun yākurun sɔ ka naa buu ka yāaru ye kpuro ya n wɔɔ tia tia mɔ, kpa ya kun alebu

gaa mɔ. Ba koo ka ye yāku dɔɔ mwaararugiru kowa. <sup>4</sup> Kpa a maa ka naa kineru ka yāa kineru na bu ka siarabun yākuru ko Yinni Gusunɔn mi, ka som mɛ ba bura ka gum. Domi Yinni Gusunɔ u koo bɛɛ kure mi gisɔ.

<sup>5</sup> Ba ka ye kpuro na kuu ten mi ye Mɔwisi u bikia. Ma be kpuro ba na Yinni Gusunɔn wuswaaɔ.

<sup>6</sup> Mɔwisi u nɛɛ, i koowo ye Yinni Gusunɔ u gerua. Kpa u de win yiiko yu bɛɛ kure.

<sup>7</sup> Mɔwisi u Aroni sɔɔwa u nɛɛ, a susima yāku yeru mini, kpa a wunen tiin torarun yākuru ko ka yāku dɔɔ mwaararugiru. Yen biru kpa a maa wunen tɔmbu Isireliban toranun yākuru ko nge mɛ Yinni Gusunɔ u gerua.

<sup>8</sup> Ma Aroni u susi yāku yee ten bɔkuɔ. Ma u naa kinɛ kpɛm te go win torarun sɔ. <sup>9</sup> Ma win biba nùn yen yɛm wɛ. Ma u mu dɛka ka niki bia u tɛeni sãa yerun kãanu sɔɔ, ma u mɛ mu tie wisi yāku yee ten temɔ. <sup>10</sup> Yen biru u yaa yen gum sua u dɔɔ doke ka yen gabu swii yiru ka yen buro ge ga woru wukiri nge mɛ Yinni Gusunɔ u gerua. <sup>11</sup> Adama yen yaa ka yen gɔna, tɔwɔwa u da u ye dɔɔ doke.

<sup>12</sup> Yen biru Aroni u yāa te saka bu ka yāku dɔɔ mwaararugiru ko. Ma win biba ten yɛm sua ba nùn wɛ. Ma u mu yɛka u ka yāku yee ten nɔɔ bɔka sikerena. <sup>13</sup> Yen biru ba yāa ten yaa bɔɔra ba Aroni wɛ ka ten wiru. Ma u ye kpuro dɔɔ doke. <sup>14</sup> U ten nuki tea ka ten kɔri u sɔndi yāku dɔɔ mwaararugii ten wɔllɔ u dɔɔ doke.

<sup>15</sup> Yen biru u Isireliban yākunu kua. U boo ge saka ge ba koo ka yākuru ko tɔmbun toranun sɔ ma u kua nge mɛ u raa yāku gbiikii te kua ka naa kinɛ kpɛmbu ge. <sup>16</sup> Yen biru u yāku dɔɔ mwaararugiru

kua nge mε wooda ya gerua. <sup>17</sup> Ma u gberun dīanu sua u ka yākuru kua. U som nəm kureru sua u dōo doke yāku yerun wəllə bururu baateren yāku dōo mwaararugii te baasi. <sup>18</sup> U kete ye ka yāa kinε te saka ba ka siarabun yākuru kua Isireliban sō. Ma win bibu ba nùn yen yem wē u ka mu yēka yāku yerun nəo bəkaə u ka sikerena. <sup>19</sup> Ma ba maa nùn kete yen gum wē ka yāa ten siru ka maa ten gum mε mu ten bəso yānu tēke ka sere maa ten gabu swii ka maa ten buro ge ga woru wukiri. <sup>20</sup> Ma u yaa yen gum səndi yen guro gurorun wəllə. Yen biru u gum mε dōo doke yāku yeru wəllə. <sup>21</sup> Ma Aroni u yaa yen guro guro ni sua ka yen nəm geu ge, u sōsi beri berika Yinni Gusunən wuswaaə nge mε Məwisi u gerua.

<sup>22</sup> Sanam mε Aroni u toranun yākunu ka yāku dōo mwaararuginu ka siarabun yākunu kua u kpa, yera u nəma sua wəllə u Isireliba domaru kua. Yen biru u sara yāku yerun di.

<sup>23</sup> Məwisi ka Aroni ba dua kuu ten mi. Ye ba yara, ma ba təmbu domaru kua. Saa yera Yinni Gusunə u bu win yiikon girima sōsi. <sup>24</sup> Ma dōo yari yara win wuswaan di yi da yi yāku dōo mwaararugii te mwa ka yāku ni nu tien yaa gum mε. Ma Isireliba kpuro ba ye wa. Ma ba nuku dobun kuuki wəri ba yiira sere temə.

## 10

### *Aronin biba dōo mwaara*

<sup>1</sup> Aronin bibu Nadabu ka Abihu ben baawure u win dōo guratia sua ba dōo gure, ma ba turare doke mi. Yen biru ba ka Yinni Gusunə daawa kuu bekurugirə. Nge mεya ba ka dōo tuko da kuu ten

mi. N deema Yinni Gusunɔ u bu ye yinari. <sup>2</sup> Yera u dera dɔɔ u yara u bu di ma ba gu mi. <sup>3</sup> Ma Mɔwisi u Aroni sɔɔwa u nɛɛ, Yinni Gusunɔ u n̄ daa bɛɛ sɔɔwa u nɛɛ,

u kɪwa be ba n̄n̄n̄n̄ susimɔ bu win dɛɛraru nasia, kpa bu n̄n̄n̄n̄ bɛɛɛɛ wɛ̄ tɔmbu kpuron wuswaaɔ?

Ma Aroni u win nɔɔ mari.

<sup>4</sup> Ma Mɔwisi u Misaeli ka Elisafani Usielin bibu soka. Usieli wi, u s̄awa Aronin tondon wɔnɔn bii. Mɔwisi u bu sɔɔwa u nɛɛ, i na i bɛɛn wɔnɔbun gonu sua kuu ten min di i ka nu da sansanin biruɔ.

<sup>5</sup> Ma ba na ba goo ni sua ka nin takoba sannu ba ka da sansanin biruɔ nge mɛ Mɔwisi u gerua. <sup>6</sup> Ma Mɔwisi u Aroni ka win bibu yiru be ba tie Eleasaa ka Itamaa sɔɔwa u nɛɛ, i ku bɛɛn winu deri diinu, i ku maa bɛɛn yānu g̃ɛku nuku sankiranun s̄ kpa Gusunɔ u ku raa bɛɛ go kpa u ka Isireliba m̄ru ko. Adama i de bɛɛn m̄ro bisibu Isireliba bu swi be dɔɔ u din s̄. <sup>7</sup> Bɛɛn tii i ku doona kuu ten kɔnnɔn di kpa i ku ra ka gbin s̄. Domi gum mɛ ba bɛɛ tāre mi, mu bɛɛ kuawa mi Yinni Gusunɔn yāku kowobu.

Ma Aroni ka win bii be, ba kua ye Mɔwisi u gerua.

### *Gusunɔ u yāku kowobu*

#### *yinari bu tam nɔ*

<sup>8</sup> Yinni Gusunɔ u Aroni sɔɔwa u nɛɛ, <sup>9-11</sup> a n̄ kaa tam bɔɔbɔm gam nɔ wunɛ ka wunen bibu i n̄ dɔɔ nɛn kuu bekurugirɔ, kpa i ku ra ka gbin s̄. Kpa i ka kp̄i i wunana ye ya s̄a s̄arugia ka ye ya n̄ s̄a s̄arugia. Mɛya i ko i maa kp̄i i wunana ye ya dɛɛre ka ye ya n̄ dɛɛre. Mɛya i ko i maa kp̄i i Isireliba Gusunɔn woodaba kpuro s̄ɔsi ye u Mɔwisi wɛ̄. Yeni ya ko n̄ s̄awa wooda sere ka bɛɛn bibun bweserɔ.

## Wooda ye ba yi

### *yāku dīanun sō*

<sup>12</sup> Mōwisi u Aroni ka win bibu yiru be ba nùn tie, Eleasaa ka Itamaa sōwa u nεε, i som me suo me ba ka yākunu kua mu tiara. Kpa i ka mu pεε ko ye i kun seeyatia doke. Kpa i ye di yāku yerun bōkuo. Domi nu kuawa mi dīa dεεranu. <sup>13</sup> I ko ye diwa yam dεεram sō. Yera ya ko n sāa wunε ka wunen bibugia nge me Yinni Gusunō u man sōwa. <sup>14</sup> Meya wunε ka wunen bii tōn durōbu ka tōn kurōbu i ko i yaa nōmu ge ba kpara mi di ka guro guro te ba sōsi beri berika Yinni Gusunōn wuswaa. Yera ya ko n sāa wunε ka wunen bibugia Isireliba bà n siarabun yākuru kua. <sup>15</sup> Isireliba ba ko n da ka yen nōmu ge ka guro guro te nεwa ka sere maa yaa gum me ba ra dōo doke yāku yerun wōllu mi. Bà n ye kpuro sōsi beri berika ba kpa, ya koo kowa wunε ka wunen bibugia. Ya ko n sāawa wooda sere ka baadommao nge me Yinni Gusunō u gerua.

<sup>16</sup> Yera Mōwisi u torarun yāku boo ge bikia. Adama u deema ba gu dōo meni. Yera u ka Aronin bibu yiru Eleasaa ka Itamaa mōru bara u nεε, <sup>17</sup> mban sōna i n̄ boo gen yaa temε Yinni Gusunōn kuru mini. Domi ga sāawa dīa dεεranu. Yinni Gusunō u bεε gu wēwa i ka Isireliba kpuron toranun yākuru ko. <sup>18</sup> Adama i n̄ ka gen yem duume Yinni Gusunōn kuu ten sōwō. N deema i ko i raa gen yaa temwa kuu ten mi nge me Yinni Gusunō u man sōwa.

<sup>19</sup> Aroni u Mōwisi sōwa u nεε, a yē ye n man deema sanam me Isireliba ba Yinni Gusunō yākuru kua ben toranun sō ka maa yāku dōo mwaararugiru. Yen dōma te, n̄ n torarun suurun



yāku ten yaa di, ya koo Gusunə dore? Aawo! Ya n̄ Gusunə doremə.

<sup>20</sup> Ma Aronin wisi bi, bu Məwisi dore.

**YE YA DƐƐRE KA YE YA N DƐƐRE**

## 11

*Yaa ye ya s̄aa seseru*

<sup>1</sup> Yinni Gusunə u Məwisi ka Aroni s̄əwə u n̄e, <sup>2</sup> bu Isireliba s̄əwə bu n̄e, ȳe yi ba koo kp̄i bu di wee. <sup>3</sup> Ba koo kp̄i bu yaa di ye ya naa kaburosu mə ma ya ra tuka ko. <sup>4</sup> Adama ba n̄ ȳe dimə yi yi ra tuka ko t̄na ma yi n̄ naa kaburosu mə. Nge m̄ya ba n̄ yooyoo temmə yèn s̄ ga n̄ naa kaburosu mə baa m̄ ga ra tuka ko. Ba koo gu garisiwa yaa disigia. <sup>5</sup> Ba n̄ koo yaa ye ba m̄ damaa\* tem baa m̄ ya ra tuka ko yèn s̄ ya n̄ naa kaburosu mə. <sup>6</sup> M̄ya ba n̄ koo maa wukun yaa tem domi ga n̄ naa kaburosu mə baa m̄ ga ra tuka ko. Ba koo gu garisiwa yaa disigia. <sup>7</sup> M̄ya ba n̄ koo maa kurusə di. Ga naa kaburosu mə adama ga ku ra tuka ko. Ba koo gu garisiwa yaa disigia. <sup>8</sup> Bu ku ȳe yi di, bu ku maa yin gonu baba. Ba koo yi garisiwa disigii.

<sup>9</sup> Ȳe yi yi maa w̄a daanə ka nim w̄ku, yi yi w̄a nim s̄ə gesi kpuro yi ba koo di wee. Yiya yi yi k̄eritii mə ka kokosu sannu. <sup>10</sup> Adama yi yi kun k̄eritii mə ka kokosu sannu, ba koo yi garisiwa disigii. <sup>11</sup> Ba n̄ koo yi di. M̄ya bu ku maa yin gonu baba. <sup>12</sup> Ȳe yi yi gesi w̄a nim w̄ku s̄ə, ka daanə, ma yi n̄ k̄eritii ka koko si mə, ba koo yi garisiwa disigii.

---

\* **11:5** damaa - Damaa ye, ya ka saataburu weenc.

<sup>13</sup> Gunɔsu sɔɔ, si ba koo garisi disigisu wee, siya gunɔ bakeru ka sere maa si su ra swɛɛ di ka si su ra yaa di <sup>14</sup> ka yaberekunu ka sere si su ka nu weenɛ <sup>15</sup> ka gbanamgbaanu ka maa si su ka nu weenɛ <sup>16</sup> ka taataanu ka booro ka sere si su ka su weenɛ ka kasa ka si su ka ye weenɛ, <sup>17</sup> ka booro bweseru garu ka nim kpakpayɛ, ka booro dǎa kɔ̄oru <sup>18</sup> ka gunɔ gbanmbayaku ka gunɔ si su ra swɛɛ din bweseru <sup>19</sup> ka swǎa wǎaku ka si su ka ye weenɛ ka kɔ̄o.

<sup>20</sup> I ku maa kɔkɔmii ni nu kasa ka naasu mɔ di. <sup>21</sup> Adama ni sɔɔ, i ko i kpǎi di ni nu ra yɔ̄oku tem sɔɔ <sup>22</sup> nge twea ka gbɔɔ ka ni nu ka ye weenɛ. <sup>23</sup> Adama ni nu tie nu kasa ka naasu mɔ mi, i ku nu di.

### *Ye ya ra tɔnu ko disigii*

<sup>24</sup> Yɛɛ gɛɛ wǎa yǐn goru tɔnu ù n baba u koo ko disigii. U ko n disi mɔwa sere ka tɔ̄ ten yokaɔ. <sup>25</sup> Wi u yin goru sɔɔwa, u koo win yǎnu teawa. Kpa u n wǎa disi sɔɔ sere ka yokaɔ. <sup>26-28</sup> Yɛɛ yi i ko i garisi disigii yi wee. Yiya yi yi ñ naa kaburosu mɔ ka yi yi ku ra tuka ko ka sere yi yi naasu nne mɔ yi sǐimɔ ka naa sɛnu. Wi u yin gaa baba u disi duurawa mi sere ka tɔ̄ ten yokaɔ. Wi u maa yin goru sɔɔwa u koo win yǎnu teawa kpa u n disi mɔ sere ka tɔ̄ ten yokaɔ.

<sup>29</sup> Yɛɛ yi yi kabirimɔ sɔɔ wee yi i ko i garisi disigii. Yiya gunɔ yantaru ka gunɔ kiikiiru ka dɛba ka ye ya ka ye weenɛ kpuro <sup>30</sup> ka duurubɛeku ka sureru ka korombɔ̄uru ka sokoro ka sunɔ naki. <sup>31</sup> Yi kpurowa i ko i garisi disigii yɛɛ yi yi kabirimɔ sɔɔ. Wi u yin gaan goru baba u ko n disi mɔwa sere ka tɔ̄ ten yokaɔ. <sup>32</sup> Yin gaan goru tǎ n wɔ̄ri dendi yǎnu sɔɔ ni ba kua ka dǎa ñ kun mɛ ka bekuru ñ kun mɛ ka gɔna

ñ kun mε ka saaki, dendi yāa ni, nu disi duurawa mi. Ba koo nu dokewa nim sɔɔ sere ka t̄ɔ ten yokaɔ. Yen biru nu sere dεera. <sup>33</sup>Yen gaa yà n wekeru garu wəri te ba kua ka sɔndu, ye ya wāa mi sɔɔ kpuro ya disi duurawa mi. Ba koo weke te kɔrawa. Bà n nim doke weke te sɔɔ, ma nim mε, mu t̄ara dīanu sɔɔ ñ kun mε n̄rura gaa sɔɔ, ba koo ye kpuro garisiwa disi. <sup>34</sup>Bà n nim doke weke te sɔɔ, ma nim mε, mu dāare dīanu sɔɔ ñ kun mε n̄rura gaa sɔɔ, ba koo ye kpuro garisiwa disi baa ñ n weke tere sɔɔn na ya wāa. <sup>35</sup>Mi yaa yen goru ta wəri kpuro gesi, doo koo yerɔ ñ kun mε p̄εε w̄ɔ yerɔ, ba koo ye kpuro kɔsukuwa. Domi ye kpuro ya disi duurawa mi. <sup>36</sup>Yaa goo te, tà n wəri d̄akɔ sɔɔ ñ kun mε daara, i ñ ko i nim mε garisi disi. Adama wi u tu baba u disi duurawa. <sup>37</sup>Tà n wəri d̄ia bwese te ba koo duure sɔɔ, d̄ia bwese te, ta ñ disi duure. <sup>38</sup>Adama bà n daa d̄ia bwese te wasan na bu ka di, ta disi duurawa mi.

<sup>39</sup>Yaa ye ba ra di yà n ka tii gu, wi u yen goru baba, yēro u disi duurawa mi sere n ka ko t̄ɔ ten yoka. <sup>40</sup>Wi u yen yaa tema ñ kun mε u yen goru sɔɔwa, u koo win yānu teawa kpa u n disi mɔ sere ka t̄ɔ ten yokaɔ.

<sup>41</sup>I ku yεε yi yi kabirim̄an yaa tem <sup>42</sup>ka yi yi ra ka nukuru s̄i ka yi yi kabirim̄o ka naasu nne ñ kun mε yi yi naa dabinu mɔ. I ko ye kpuro deriwa mam mam. <sup>43</sup>I ku de yεε yin bweseru yi bεε ko disigibu. <sup>44</sup>Domi nε Gusunɔ na s̄awa bεen Yinni. I ko i tii dεerasia kpa i n dεere. Domi na s̄awa Dεero. Yen s̄ona i ñ ko i tii disi doke ka yεε yi yi kabirim̄o. <sup>45</sup>Nena na bεε yarama Egibitin di na n ka s̄a bεen Yinni. Yen s̄o, i de i n dεere. Domi na dεere.

<sup>46</sup>Wooda yeni kpurowa na yi yεε kpuron s̄a ka

gunɔsu ka yεε yi yi wāa nimɔ ka sere yi yi kabirimɔ.  
<sup>47</sup> Yera ya koo de i n da yaa wunanε ye ba koo ka  
 yākuru ko ka ye ba ñ ka yākuru m̀. Meya maa ya  
 koo bεε s̄ɔsi yaa ye i ko i di ka ye i ñ dimɔ.

## 12

### *Tɔn kurɔ ù n maran wororu*

<sup>1</sup> Yinni Gusunɔ u Mɔwisi wooda wē u nεε, <sup>2</sup> a  
 Isireliba s̄ɔwɔ a nεε, tɔn kurɔ ù n gura sua ma u bii  
 tɔn durɔ mara, u ko n disi mɔwa s̄ɔɔ nɔɔba yiru nge  
 sanam mε u yasa m̀. <sup>3</sup> S̄ɔɔ nɔɔba itase, kpa bu win  
 bii wi bango kua. <sup>4</sup> Adama kurɔ wi, u ko n wāawa  
 disi s̄ɔɔ s̄ɔɔ tena ka ita kpam u sere dεera yem mε u  
 yarin s̄ɔ marubun saa. U ku raa s̄aa yānu ganu baba,  
 u ku raa maa da Gusunɔn kuu bekurugirɔ sere t̄ɔ  
 te, tu ka turi.

<sup>5</sup> N n maa tɔn kurɔn na u mara, u ko n wāawa disi  
 s̄ɔɔ alusuma yiru. Ya ko n s̄awa nge sanam mε u  
 yasa m̀. Yen biru u koo kowa s̄ɔɔ wata ka nɔɔba tia  
 u sere dεera win yem mε mu yarin s̄ɔ marubun saa.

<sup>6</sup> Tɔn kurɔ wi u mara, win dεerasiabun saa yà n  
 tura, u koo ka yāaru w̄ɔɔ tiagiru nawa u ka yāku  
 d̄ɔɔ mwaararugiru ko. Kpa u totobereru ñ kun mε  
 kparuko sua u ka win torarun yākuru ko. <sup>7</sup> Yāku  
 kowowa u koo ka ye yākuru ko. Kpa u n̄n win  
 torarun suuru kana. Saa ye s̄ɔra u koo dεera win  
 yem mε mu yarin s̄ɔ.

Wooda yeniwa nε, Yinni Gusunɔ na wēemɔ tɔn  
 kurɔ wi u bii maran s̄ɔ.

<sup>8</sup> U kun yāaru wa, u koo totoberenu yiru ñ kun mε  
 kparukonu yiru kasu. Nin teuwa u koo ka yāku d̄ɔɔ  
 mwaararugiru ko kpa u maa ka teu geni torarun

yǎkuru ko. Yǎku kowowa u koo nùn yǎku te kua.  
Saa ye sǎra u koo dɛɛra.

## 13

### *Gənan bararun wooda*

<sup>1</sup> Yinni Gusunə u Məwisi ka Aroni sǎwa u nɛɛ,  
<sup>2</sup> goo ù n məsiru mə wasi sǎə, ñ kun mɛ debu, ñ kun  
mɛ bau kpiku ge ga ka bara disigiru weenɛ, ba koo  
ka yɛro dawa yǎku kowo Aronin mi ñ kun mɛ win  
bibun turon mi. <sup>3</sup> Yǎku kowo wiya u koo bara te  
mɛɛri. U n deema bau ge, ga san kpikisu mə, ma  
ga wəru mə, saa ye sǎra u koo gere ma yɛro u bara  
disigiru barə. <sup>4</sup> U n maa bau kpiku gagu mə ma ga  
ñ wəru mə, ma gen sansu kun buriri, yǎku kowo u  
koo ka yɛro dawa diru garu sǎə u kɛnusi sǎə nǎba  
yiru. <sup>5</sup> Sǎə nǎba yiruse, yǎku kowo ù n wa bau ge,  
ga ñ yabi, u koo maa nùn kɛnusiwa sǎə nǎba yiru.  
<sup>6</sup> Sǎə nǎba yiruse te, yǎku kowo u koo maa nùn  
yarawa u mɛɛri. U n deema ga ñ yabi baama, u koo  
yɛro sǎwa ma u dɛɛre, ya sǎawa debu, kpa u win  
yǎnu tea u dɛɛra. <sup>7</sup> Amɛn biru, debu ye, yà n yabi  
gəna ye sǎə, yɛro u koo maa wurawa yǎku kowo u  
nùn mɛɛri. <sup>8</sup> Yǎku kowo wi, ù n nùn mɛɛra ma u  
deema ya yabi win gəna sǎə, u koo yɛro sǎwa ma u  
ñ dɛɛre, u bara disigiru məwa.

<sup>9</sup> Goo ù n bara disigiru barə, ba koo ka nùn dawa  
yǎku kowon mi. <sup>10</sup> Yǎku kowo wiya u koo nùn  
mɛɛri. U n bau kpiku wa mi, ma bau gen sansu  
buriri, ma gəna ye, ya boo kua, <sup>11</sup> ya sǎawa bara  
disigii te ta torumə yɛron gəna sǎə. Yǎku kowo u  
koo yɛro garisiwa disigii. U ñ maa nùn kɛnusiwa.  
<sup>12</sup> Adama yǎku kowo ù n məsi məsiminu wa nu  
yabi yɛron gəna kpuro sǎə, saa win wirun di sere ka

naaso, <sup>13</sup> u koo yēro garisiwa u deere, domi win wasi kpuro yi burura. <sup>14</sup> Adama doma te ba boo swāo wa win wasi soo, ba koo nùn garisiwa disigii. <sup>15</sup> Yāku kowon tiiwa u koo nùn mēeri. U n deema boo swāo u wāa mi, u koo nùn garisiwa disigii, domi ya sāawa bara disigiru. <sup>16</sup> Adama win wasi yi, yì n kōsa, ma yi burura kpuro, u koo maa dawa u yāku kowo wa. <sup>17</sup> Yen biru, yāku kowo u koo ye mēeriwa. U n wa ya burura, saa ye soo, u koo yēro garisiwa u deere.

<sup>18</sup> Goo ù n win bwisi kpaka soo <sup>19</sup> māsiru garu wa, ma u deema ta buriri, ñ kun mē ta sōri, yēro u koo dawa u tii sōsi yāku kowon mi. <sup>20</sup> Yāku kowo wi, u koo nùn mēeriwa. U n deema mōsi te, ta wōru mō, ma win wasin sansu su burura, saa ye soora yāku kowo u koo nùn garisi disigii. Bara disigira ta yarimō saa bwisi kpaka yen min di. <sup>21</sup> Adama yāku kowo ù n wa ma san kpikisu sari mōsi ten wallo, yen biru mōsi te, ta ñ wōru mō, ma ta buriri fiiko, u koo durō wi kenusiwa dirō sōo nōoba yiru. <sup>22</sup> Mōsi te, tà n gōna yabi, yāku kowo u koo nùn garisiwa disigii domi bara disigira ta nùn deema. <sup>23</sup> Adama mōsi te, ta kun yabi, ta sāawa bwisi kpaka. Saa ye soo, yāku kowo u koo gere ma yēro kun disi mō.

<sup>24</sup> Goo ù n dōo mwaara ma yen boo kpaka soo bau kpiku ga yara, ñ kun mē bau sōo, yāku kowo u koo yēro mēeriwa. <sup>25</sup> Gen sansu sù n kua kpikisu ma wōru ga sōosire gōna ye soo, saa ye soo bara disigira ta sōosira mi. Yāku kowo u koo nùn garisiwa disigii. <sup>26</sup> Adama yāku kowo ù n wa ma san kpikisu sari bau ge soo, ga ñ maa wōru mō, ma ga buriri fiiko, u koo yēro kenusiwa dirō sōo nōoba yiru. <sup>27</sup> Sōo nōoba yiruse te, u koo nùn mēeri. U n wa bau ge, ga yabi win gōna soo, u koo nùn garisiwa disigii. Ta sāawa

bara disigiru. <sup>28</sup> Adama bau ge, ga kun yabi, ma ga burura fem fem, dǎo mwaara kpaka yera. Saa ye sǎo, yǎku kowo u koo nùn garisiwa u dεere.

<sup>29</sup> Tǎn durǎ ñ kun mε tǎn kurǎ ù n bau gagu mǎ win wirǎ, ñ kun mε win tonkurorǎ, <sup>30</sup> yǎku kowo u koo gu mεeriwa. Gà n wǎru mǎ ma gen sansu su ñ sinum mǎ, ma su swērama nge dǎm buuru, yǎku kowo u koo yēro garisiwa disigii. Ya sǎawa wii kpaka ye ya wǎa wirǎ, ñ kun mε tonkurorǎ. <sup>31</sup> Yǎku kowo wi, ù n wa ya wǎru mǎ, ma san wǎkusu sari, u koo yēro kenusiwa dirǎ sǎo nǎoba yiru. <sup>32</sup> Sǎo nǎoba yiruse te, u koo maa yēro mεeriwa. U n deema wii kpaka ye, ya ñ yabi ma ya sansu mǎ si su ka dǎm buuru weenε, ma su ñ wǎru mǎ, <sup>33</sup> yēro u koo win sansu kǎniwa. Adama u ñ kpaka ye kǎnimǎ. Yen biruwa yǎku kowo u koo maa nùn kenusi dirǎ sǎo nǎoba yiru. <sup>34</sup> Sǎo nǎoba yiruse te, u koo ye mεeriwa. Wii kpaka ye, yǎ kun yabi, ma ya ñ tǎre ya gǎna kere, yǎku kowo u koo nùn garisiwa u dεere. U koo win yǎnu tea. Saa ye sǎo, u dεerawa mi. <sup>35</sup> Adama wii kpaka ye, yǎ n dǎkuru yabi, yǎku kowo u koo maa nùn mεeriwa. <sup>36</sup> U n wa ya yabi gǎna ye sǎo, yǎku kowo u ñ maa kasumǎ yēro ù n san dǎm buuru mǎ. U koo nùn garisiwa disigii. <sup>37</sup> Wii kpaka ye, yǎ kun yabi, ma yen sansu tǎra, yēro u bekurawa mi. U ñ maa disi mǎ. Yǎku kowowa u koo gere ma u dεere.

<sup>38</sup> Tǎn durǎ goo ñ kun mε tǎn kurǎ goo ù n win gǎna sǎo bau kpikisu wa, <sup>39</sup> yǎku kowowa u koo nùn mεeri. U n bausu gasu wa si su ñ buriri sǎa sǎa, bau si, su ñ sē. U koo yēro garisiwa u dεere.

<sup>40</sup> Goo ù kun seri mǎ wirǎ, wii kpararugiiwa ba koo yēro garisi. U dεerewa mi. <sup>41</sup> N n wuswaa gian

na u n̄ seri m̄, yēro u s̄awa wii kpararugii. Ka m̄, yēro u d̄ere<sup>42</sup>wa. Adama wii kpara te s̄o, bau gagu ḡa n̄ s̄osira ga s̄ri, bara disigira ta torum̄ mi. <sup>43</sup>Yāku kowowa u koo gu m̄eri. U n̄ deema wii kpara te, ta bau kpikisu m̄ su ka bara disigiru ween̄, wi u su m̄ mi, u bara disigiru bar̄owa mi. U n̄ d̄ere. <sup>44</sup>Yāku kowo u koo n̄n̄ garisiwa disigii win wii bau gen s̄.

<sup>45</sup>Wi u bara disigiru m̄ kpuro, u koo yānu dokewa ni nu ḡere, u ku fur̄o doke, kpa u win wuswaa wukiri kpa u n̄ n̄ogiru sue u n̄ m̄, disigii, disigii. <sup>46</sup>U ko n̄ s̄awa disigii sere win bara disigii te, tu ka kpe. Yen s̄na u ko n̄ w̄a yeru m̄ bee tia u n̄ ka t̄mbu d̄esire.

### *Disi ḡmi yānu s̄o*

<sup>47-49</sup>B̄a n̄ disi ḡmi ḡe wa yi s̄ri n̄ kun m̄ yi s̄a nge wuru biresu yānu ganu s̄o, ni ba kua ka yāa sansu n̄ kun m̄ k̄ia si ba kua ka w̄e damgii n̄ kun m̄ yaa ḡna, bau ge, yāku kowo u koo gu m̄eriwa. <sup>50</sup>Yāku kowo wi, ù n̄ yāa ni m̄era u koo nu yiwa s̄o n̄oba yiru. <sup>51</sup>Yen s̄o n̄oba yiruse te, u koo wure u maa yāa ni m̄eriwa. U n̄ deema disi ḡmi yi, yi yabi baama, ma ba n̄ kp̄e bu yi w̄a, saa ye s̄o, u koo nu garisiwa yāa disiginu. <sup>52</sup>Saa ye s̄ora yāku kowo u koo yāa ni d̄o meni. Baa b̄a n̄ nu kua ka w̄esu n̄ kun m̄ ka w̄e damgii n̄ kun m̄ ka yāa sansun w̄e n̄ kun m̄ ka mam ḡna, ka m̄, ba koo ye kpuro d̄o meniwa. Domi ba n̄ kp̄e bu disi ḡmi yi w̄a. D̄owa u koo ye go. <sup>53</sup>Adama yāku kowo ù n̄ wa ḡmi yi, yi n̄ yabi yāa ni s̄o, <sup>54</sup>u koo de bu nu teawa kpa bu maa nu diru kenusi s̄o n̄oba yiru. <sup>55</sup>S̄o n̄oba yiruse te, u koo wure u maa nu m̄eriwa. U n̄



deema disi gōmi yi ñ kōsa, yi ñ maa yabi, ba koo yāa ni garisiwa disiginu kpa bu nu dōo doke. Domi disi gōmi yi, yi nu di biruō ñ kun mε wuswaaō. <sup>56</sup> Adama yāku kowo ù n deema disi gōmi yi, yi burura, u koo ye wākawa yāa nin min di. <sup>57</sup> Yen biru yi n maa wurama yāa ni sōo, yi ko n sāawa disi gōmi. Ba koo yāa ni dōo meniwa.

<sup>58</sup> Bà n yānu ganu tea ni nu disi gōmi kpia, ma disi gōmi yi, yi wīara, ba koo wure bu maa nu teawa bu sere nu garisi nu dεere.

<sup>59</sup> Yeniwa ya sāa disi gōmin wooda yi yi ra kpi yānu sōo ye ba kua ka wēsu ñ kun mε ka wēε damgii ñ kun mε ka gōna. Wooda yera ya koo sōosi yāa ni nu dεere ka ni nu kun dεere.

## 14

### *Wi u raa bara disigiru mən*

#### *dεerasiabu*

<sup>1</sup> Yinni Gusunō u Mōwisi sōōwa u nεε, <sup>2</sup> wee nge mε ba koo ka tōnu dεerasia wi u raa bara disigiru mō. Ba koo ka nùn dawa yāku kowon mi, <sup>3</sup> kpa yāku kowo u ka nùn yari sansanin di u nùn mεeri. U n deema u bekura, <sup>4</sup> yāku kowo u koo nùn sōwa ye ba koo ka nùn dεerasia. U koo gunōminu yiru sua ni ba ra ka yākuru ko ka sere dāa ye ba mō seduru ka wēε wunōmgii ka dāa kiku gagun kāasa ge ba mō isōpu. <sup>5</sup> Yāku kowo u koo de bu gunō gen teu sakawa wekeru sōo te ba kua ka sōndu te ta nim gem mō. <sup>6</sup> Yen biru u koo gunō ge ga wasi mi, ka sedurun dāa ye, ka wēε wunōmgii yi, ka isōpun kāasa ye dokewa yem mε sōo, mε ba wisi nim sōo mi. <sup>7</sup> U koo ye yēkawa nōn nōōba yiru wi ba koo

dεerasian wǎllǎ. Yen biru u koo nùn garisiwa u dεere kpa u gunǎ ge yǎsu gu doona. <sup>8</sup> Wi u koo tii dεerasia, u koo win yānu teawa kpa u win sansu kǎni, kpa u wobure nim sǎǎ. Saa ye sǎǎra ba koo nùn garisi u dεere. Yen biru, u koo kpī u wurama sansaniǎ. Adama u koo kowa sǎǎ nǎǎba yiru tǎǎwǎ u kun due win kuu bekurugirǎ. <sup>9</sup> Sǎǎ nǎǎba yiruse te, u koo win sansu kǎniwa ka win seri ka win toburu ka win nǎni burosu. Ye ya sǎa sansu kpuro gesi, u koo kǎniwa. U koo maa win yānu teawa kpa u wobure u dεera.

<sup>10</sup> Sǎǎ nǎǎba itase, u koo yāanu yiru sua ni nu ñ alebu mǎ ka yāa nii teeru wǎǎ tiagiru ka som kilo nǎǎba nne me ba burina ka gum ka sere maa gum litirin bǎnu. <sup>11</sup> Yǎku kowo wi u koo tǎnu wi dεerasia u koo nùn tusia Yinni Gusunǎn wuswaaǎ kuu ten kǎnnǎwǎ ka maa win yǎku dǎanu. <sup>12</sup> Yǎku kowo u koo yāa nin teeru suawa kpa u ka tu yǎkuru ko te ba ra ka toraru sǎme ka sere gum litirin bǎnu ye, kpa u ye kpuro sǎǎsi beri berika Yinni Gusunǎn wuswaaǎ. <sup>13</sup> Kpa u tu saka yam dεeram mi, mi ba ra torarun yǎkuru ka yǎku dǎǎ mwaararugirun yaa sake. Domi torarun yǎku yaa ka ye ba ra ka toranu sǎmegia ya sǎawa dǎa dεeranu ni nu koo ko yǎku kowoginu. <sup>14</sup> Yǎku kowo u koo torarun yǎku yaa yen yem sua u tεeni wi u dεerasiamǎn soo nǎm geuguuǎ ka win nǎm geun niki bia bakaa ka sere win nǎǎ nǎm geuguun niki bia bakaa. <sup>15</sup> Yǎku kowo u koo maa gum litirin bǎnu ye wisiwa win nǎm dwarun nǎm wǎǎrǎ. <sup>16</sup> Kpa u ka win nǎm geun niki bia gum me dεka u mu yǎka nǎn nǎǎba yiru Yinni Gusunǎn wuswaaǎ. <sup>17</sup> Yen biru, kpa u gum me mu tie tεeni wi u dεerasiamǎn soo nǎm

geuguuɔ ka maa win nɔm geun niki bia bakaa ka win nɔɔ nɔm geuguun niki bia bakaa. U koo mu tɛeniwa mi u raa yem me doke. <sup>18</sup> Kpa u maa me mu tie win nɔma sɔɔ doke yɛron wiru wɔllɔ kpa u nɔn dɛerasiabun wororu koosi Yinni Gusunɔn wuswaaɔ. <sup>19</sup> Kpa u nɔn torarun yākuru kua. Nge meya u koo ka nɔn dɛerasia. Yen biruwa u koo yāku dɔɔ mwaararugirun yaa go. <sup>20</sup> Kpa u ye dɔɔ doke yāku yerɔ ka kɛnu. Nge meya u koo ka yɛro torarun yākuru kua kpa u dɛera.

*Bwɛɛbwɛɛ wi u raa*

*bara disigiru mɔn dɛerasiabu*

<sup>21</sup> Wi u bara disigiru mɔ ma u n̄ dam mɔ u ka yāku yaa saberu wa, yāa teera u koo kasu u ka yākuru ko te ta sāa torarun sɔmbugiru. Yāku kowo u koo ka tu suuru kanabun wororu ko Yinni Gusunɔn wuswaaɔ. Yen biru durɔ wi, u koo som kilo ita wɛ me ba bura ka gum ka sere maa gum litirin bɔnu. <sup>22</sup> U koo maa ka kparukonu yiru na n̄ kun me totoberenu yiru nge me win waara nɛ. Ba koo gen teu go win torarun suurun sɔ. Kpa bu maa ka teu ge ga tie yāku dɔɔ mwaararugiru ko. <sup>23</sup> Win dɛerasiabun sɔɔ itasera u koo ka ye kpuro yāku kowo naawa sāa yerun kɔnnɔwɔ Yinni Gusunɔn wuswaaɔ. <sup>24</sup> Yāku kowo wi, u koo yāa te mwa ka gum litirin bɔnu ye, kpa u ye kpuro sɔɔsi beri berika Yinni Gusunɔn wuswaaɔ. <sup>25</sup> Yen biru u koo yāa te saka kpa u ten yem sua u tɛeni wi u raa bara disigiru mɔn soo nɔm geuguuɔ ka win nɔm geun niki bia bakaa ka sere maa win nɔɔ nɔm geuguun niki bia bakaa. <sup>26</sup> Yen biru yāku kowo wi, u koo gum me wie win nɔm dwarun nɔm wɔɔrɔ. <sup>27</sup> Kpa

u ka win nəm geun niki bia gum mε dεka u yēka nən nəɔba yiru Yinni Gusunən wuswaaɔ. <sup>28</sup> U koo maa gum mε tɛɛni wi u raa bara disigiru mən soo nəm geuguuɔ ka nəm geun niki bia bakaa ka sere win nəɔ nəm geuguun niki bia bakaa. U koo mu dokewa mi u raa gesi yem tɛɛni. <sup>29</sup> Yen biru gum mε mu tie win nəmaa, u koo mu wisiwa wi u raa bara disigiru mən wirɔ u sere nùn dɛɛrasiabun wororu kua Yinni Gusunən wuswaaɔ. <sup>30</sup> Yen biru, u koo gunɔ gen teu go, gèn bweseru u wa. <sup>31</sup> Ba koo ka gen teu torarun suurun yākuru ko. Teu maa yāku dɔɔ mwaararugiru ka som mε, ka gum mε. Kpa yāku kowo wi, u wi u raa bara disigiru mɔ dɛɛrasiabun wororu kua Yinni Gusunən wuswaaɔ.

<sup>32</sup> Wooda yeniwa wi u bara disigiru mɔ ma u n̄ dam mɔ u koo swīi u ka dɛɛrasiabun yākuru ko.

### *Disi gəmi dirun gani sɔɔ*

<sup>33</sup> Yinni Gusunɔ u Mɔwisi ka Aroni sɔɔwa u nɛɛ, <sup>34</sup> sanam mε i ko i du Kananin temɔ mε kon bɛɛ wɛ, nà n dera disi gəmi yi kpia diru garu sɔɔ tɛ sɔɔ i wāa, <sup>35</sup> wi u dii te mɔ, u koo dawa u yāku kowo sɔ u nɛɛ, wee u gāanu waamɔ win dirɔ nge disi gəmi. <sup>36</sup> Yāku kowo wi, u sere du u ka dii te mɛɛri, u koo dewa bu ten yānu kpuro yara kpa yāa nin tii nu ku raa disi duura. Yen biru u koo du kpa u disi gəmi yi mɛɛri. <sup>37</sup> U n deema gəmi yi sāa nge wuru bekusu, n̄ kun mε yi s̄ori, kpa yi n sāa nge wəru gana ye sɔɔ, <sup>38</sup> u koo yariwa kpa u dii te kɛnɛ sɔɔ nəɔba yiru. <sup>39</sup> Sɔɔ nəɔba yiruse, yāku kowo u koo wura diru mi. U n deema disi gəmi yi yabi dii ten gani sɔɔ, <sup>40</sup> u koo de bu dii ten kpenu wɔəriwa n̄n mi disi gəmi yi, yi kpia bu ka nu yari wuun di bu k̄ɔ mi n̄ kun dɛɛre. <sup>41</sup> U koo

dewa bu dii ten sɔwɔ kpuro kera kpa bu yanim me ba kera mi yari wuun biruɔ mi n kun deere. <sup>42</sup> Yen biru kpa bu kpee kpaanu kəsire ko. Kpa bu wure bu dii te tawa.

<sup>43</sup> Amen biru, disi gɔmi yi, yi n maa wurama dii te sɔɔ, <sup>44</sup> yaku kowo u koo maa sewa u da u tu mɛeri. U n deema disi gɔmi yi, yi maa kpia dii ten gani sɔɔ, saa ye sɔɔ, n n maa koorɔ bu yi wia min di. Dii te, ta disi duurawa mi. <sup>45</sup> Ba koo tu surawa kpa bu ten kpenu ka daa ka tem gura bu ka da wuun biruɔ mi n kun deere.

<sup>46</sup> Wi u dua diru mi sanam me ba tu kenusi, u disi duurawa mi sere ka yokaɔ. <sup>47</sup> Wi u kpuna mi, n kun me u gaanu di mi, u koo win yanu teawa.

<sup>48</sup> Sanam me ba dii te sɔnwa ba kpa, yaku kowo u n wura u ka tu mɛeri, ma u deema disi gɔmi yi sari, u koo dii te garisiwa ta deere. Domi disi gɔmi yi, yi doona.

<sup>49</sup> Bu ka dii ten deerasiabun woronu ko, ba koo gunɔsu yiru kasuwa ka daa ye ba mɔ seduru ka kiku ge ba mɔ isɔpu ka wɛɛ wunɔmgii. <sup>50</sup> U koo gunɔ gen teu sakawa wekeru sɔɔ te ba kua ka sɔndu ta nim gem mɔ. <sup>51</sup> Yen biru, u koo ge ga wasi sua ka seduru ye, ka isɔpu ye, ka wɛɛ wunɔmgii yi, kpa u ye kpuro doke gunɔ ge ba sakan yem me sɔɔ, me ba wisi nim sɔɔ mi, kpa u mu yɛka nɔn nɔɔba yiru dii te sɔɔ. <sup>52</sup> U koo ka gunɔ gen yem me ba wisi nim sɔɔ mi, disi waka ka gunɔ ge ga wasi ka seduru ye, ka isɔpu ka wɛɛ wunɔmgii yi. <sup>53</sup> Kpa u gunɔ ge ga wasi yɔsu gu doona yakasɔ. Saa ye sɔɔra u koo dii te deerasiabun wororu koosi kpa tu deera.

<sup>54</sup> Wooda yenibara ba ko n da swi bara disigiru ka wii kpakin sɔ <sup>55-56</sup> ka mɔsiru ka debu ka disi gɔmi

yi yi ra kpi yānu sǎo ka dia sǎo. <sup>57</sup> Wooda yera ya koo sǎosi gǎa ni nu dεere ka ni nu kun dεere.

## 15

### *Tǎn durǎrun disi*

<sup>1</sup> Yinni Gusunǎ u Mǎwisi ka Aroni sǎowa u nεε, <sup>2</sup> i Isireliba sǎowǎ i nεε, ben goo ù n kentu kpika mǎ, u kuawa mi disigii. <sup>3</sup> Ya ra wĩ? Ya ku ra wĩ? Ka mε, u kuawa mi disigii. <sup>4</sup> Kpin yee tē sǎo u kpuna kpuro, ta disi duurawa mi, ka sere maa gǎa ni u sinari kpuro. <sup>5</sup> Wi u maa kpin yee te baba kpuro u koo win yānu teawa kpa u wobure ka nim. Adama ka mε, yēro u ko n disi mǎwa sere ka yokaǎ. <sup>6</sup> Wi u maa sina mi barǎ wi, u sina, u koo win yānu teawa kpa u wobure ka nim. Adama ka mε, u ko n sǎawa disigii sere ka yokaǎ. <sup>7</sup> Wi u barǎ wi baba, u koo win yānu teawa kpa u wobure ka nim. Adama ka mε, u ko n sǎawa disigii sere ka yokaǎ. <sup>8</sup> Barǎ wi, ù n goo yǎatam sie, yēro u koo win yānu teawa kpa u wobure. Adama ka mε, u ko n sǎawa disigii sere ka yokaǎ. <sup>9</sup> Gǎa ni barǎ wi, u sǎni kpuro, nu kuawa mi disiginu. <sup>10</sup> Gǎa ni u sakusi kpuro, wi u nu baba yēro u kuawa mi disigii sere ka yokaǎ. Wi u maa nu sǎowa yēro u koo win yānu teawa kpa u wobure. Adama ka mε, u ko n disi mǎwa sere ka yokaǎ. <sup>11</sup> Wi u dera barǎ wi, u nùn baba, ma u ñ niε, u koo win yānu teawa kpa u wobure. Adama ka mε, yēro u ko n disi mǎwa sere ka yokaǎ. <sup>12</sup> Barǎ wi, ù n dendi yānu baba ni ba kua ka sǎndu ba koo nu kǎsukuwa. Nù n maa sǎan na ni ba kua ka dǎa, ba koo nu teawa. <sup>13</sup> Sanam mε kentu ye, ya wĩibu yǎra, u koo kowa sǎo nǎoba yiru u sere dεεra. U koo win yānu tea kpa u wobure ka nim. Saa ye sǎo, u dεerawa mi.

14 Sǎo nǎba itase u koo kparukonu yiru ñ kun me totoberenu yiru sua u ka da Gusunǎn kurun kǎnnǎwǎ kpa u nu yǎku kowo wē. 15 Yǎku kowo u koo nin teu gowa torarun sǎ. Kpa u ka teu geni yǎku dǎo mwaararugiru ko kpa u nǎn deerasiabun wororu koosi Yinni Gusunǎn wuswaaǎ kpa u deera.

16 Goon sen nim mù n yari, u koo woburewa. Adama ka me, u ko n disi mǎwa sere ka yokaǎ. 17 Mù n yǎnu ganu tǎre, ñ kun me gǎna ye ba ra wukiri, ba koo ye teawa ka nim. Adama ka me, ya ko n disi mǎwa sere ka yokaǎ.

18 Kurǎ ka durǎ bà n mǎnna, be kpuro ba koo woburewa ka nim. Adama ka me, ba koo bu garisiba disigibu sere ka yokaǎ.

### *Tǎn kurǎrun disi*

19 Tǎn kurǎ ù n yasa mǎ, ba koo nǎn garisiba disigii sǎo nǎba yiru. Wi u nǎn baba kpuro u kuawa mi disigii sere ka yokaǎ. 20 Kpin yee tè sǎo u kpuna kpuro, ta kuawa mi disigiru. Ye u maa sinari kpuro ya kuawa mi disigia. 21 Wi u maa kurǎ win kpin yeru baba, u koo win yǎnu teawa kpa u wobure. Adama ka me, u ko n sǎawa disigii sere ka yokaǎ. 22 Goo ù n baba ye kurǎ wi, u sinari, yēro u koo win yǎnu teawa kpa u wobure. Adama ka me, u ko n disi mǎwa sere ka yokaǎ. 23 Gǎa ni nu wǎa win kpin yee ten wǎllǎ ñ kun me ye u sinarin wǎllǎ, wi u yen gaa baba, u kuawa mi disigii sere ka yokaǎ. 24 Tǎn durǎ goo ù n ka nǎn mǎnna, ma win yem mu nǎn tǎre, durǎ wi, u kuawa mi disigii sere sǎo nǎba yiru. Kpin yee tè sǎo u gesi kpuna ta maa disi duurawa mi.

<sup>25</sup> Tɔn kurɔ wi u yem wĩimɔ, win yasan saa baasi, ñ kun mɛ, mu wĩimɔ mu win yasan saa kera, ba koo nùn garisiwa disigii yem wĩi bin saa kpuro sɔɔ nge win yasan saa. <sup>26</sup> Kpin yee tɛ sɔɔ u kpuna kpuro ka ye u sinari kpuro, ya kuawa mi disigia nge sanam mɛ u win yasa mɔ. <sup>27</sup> Wi u kpin yee te baba, ñ kun mɛ sin yee te, u koo win yānu teawa kpa u wobure. Adama ka mɛ, u kuawa mi disigii sere ka yokaa.

<sup>28</sup> Sanam mɛ yem mɛ, mu yōra u koo kowa sɔɔ nɔɔba yiru bu sere nùn garisi wi u dɛɛre. <sup>29</sup> Yen sɔɔ nɔɔba itase sɔɔra u koo kparukonu yiru ñ kun mɛ totoberenu yiru kasu kpa u ka yāku kowo daawa Gusunɔn kuu ten kɔnnɔwɔ. <sup>30</sup> Kpa yāku kowo u nin teu sua u ka torarun suurun yākuru ko kpa u maa teu geni sua u ka yāku dɔɔ mwaararugiru ko. Yen biruwa u koo kurɔ wi dɛɛrasiabun wororu koosi Yinni Gusunɔn wuswaaɔ kpa u dɛɛra.

<sup>31</sup> Yinni Gusunɔ u kɔam Mɔwisi ka Aroni sɔɔwa u nɛɛ, i Isireliba sɔɔwɔ i nɛɛ, bu de bu ka nɛn kuu te ta wāa ben suunu sɔɔ tonda sanam mɛ ba disɔ mɔ kpa bu ku raa gbi.

<sup>32</sup> Wooda yeni ya wāawa kentugibun sɔ ka wìn sen nim mu yari <sup>33</sup> ka tɔn kurɔ wi u yasa mɔ ka tɔn durɔ wi u yem wĩimɔ win tɔn durɔrun di ka tɔn kurɔ wi yem wĩimɔ win tɔn kurɔrun di ka maa tɔn durɔ wi u ka tɔn kurɔ disigii kpuna.

## 16

*Wɔɔ ka wɔɔn yāku te ba ra ko*

*Isireliba kpuron toranun sɔ*

<sup>1</sup> Aronin bii be ba gu Yinni Gusunɔn kurɔ yèn sɔ ba ka turare tuka da mi, ben gɔɔn biruwa Yinni



Gusunɔ u Mɔwisi sɔɔwa u nɛɛ,<sup>2</sup> a wunen mɔɔ Aroni sɔɔwɔ a nɛɛ, u kun da du kiri kiri kuu ten dii te ta dɛere gem gem sɔɔ mi woodan kpakorora wãa ka ten wukiritia kpa u ku raa gbin sã. Domi kpakoro ten wukiritian wɔllɔwa kon tii sɔɔsi guru wii wuroru sɔɔ.

<sup>3</sup> Dɔma te u duɔ mi, u koo ketɛ kinɛ kpɛndu kasuwa u ka win torarun yākuru ko. Kpa u maa yãa kineru kasu u ka yāku dɔɔ mwaararugiru ko. <sup>4</sup>Yen biru u koo win tako doke kpa u sokoto kpiribu doke ka sɛkatia. Ye kpuro ya ko n sãawa ye ba kua ka wɛɛ damgii kpa u dawani bɔke. U koo woburewa u sere yãa ni kpuro doke. <sup>5</sup>Isireliba ba koo maa boo kinɛnu yiru wɛ u ka ben toranun yākunu ko kpa bu nùn yãa kineru wɛ u ka yāku dɔɔ mwaararugiru ko.

<sup>6</sup>U n koo yākuru tore, u koo gina win tii ka win yenugibun toranun yākuru kowa ka ketɛ kinɛ te. <sup>7</sup>Yen biru kpa u boo kinɛnu yiru ye sua u ka da Yinni Gusunɔn wuswaaɔ kuu ten kɔnnɔwɔ. <sup>8</sup>Kpa u nu tubu tubu koosi u ka wa ge ga sãa Yinni Gusunɔguu ka ge ba koo yɔsu gbaburɔ. <sup>9</sup>Boo ge ga sãa Yinni Gusunɔguu, gera u koo ka torarun yākuru ko. <sup>10</sup>Ge ba koo maa yɔsu gbaburɔ, gera ba koo ka torarun suurun wororu ko. Wasira ba koo ka gu na Yinni Gusunɔn wuswaaɔ bu sere gu yɔsu gu doona gbaburɔ.

<sup>11</sup>Aroni u koo gina gbiwa u win tiin ketɛ kinɛ te go win toranun sɔ ka sere maa win yenugibuginun sɔ. <sup>12</sup>Kpa u dɔɔ gɛɛ gura saa yāku yerun di yi ba yibie dɔɔ guratii sɔɔ kpa u turare buuru sɔka nɔm kurenu yiru kpa u ka ye kpuro du dii te ta dɛere gem gem sɔɔ. <sup>13</sup>U koo turare ye doke dɔɔ gɛɛ yi sɔɔ Yinni Gusunɔn wuswaaɔ kpa yen wiisu su woodan

kpakoro ten wukiritia wukiri kpa u ku raa ka gbin sō. <sup>14</sup> Yen biru kpa u ketε yen yem sua u dεka ka win niki bia kpa u mu yεka kpakoro ten wukiritia sō sō yari yeru gia. Kpa u maa ko mε kpakoro ten wuswaa nōn nōba yiru. <sup>15</sup> Yen biruwā u koo maa boo ge ga sāa Yinni Gusunōguu mi go Isireliba kpuron toranun sō kpa u gen yem sua u ka da dii te ta dεere gem gem sō kpa u mu yεka woodan kpakoro ten wukiritia wōllō ka maa ten wuswaa nge mε u kua ka ketε yen yem. <sup>16</sup> Kpa u dii te ta dεere gem gem dεerasiabun wororu koosi u ka ten disi wōka yi ta duura Isireliban toranu ka ben mem nōbu sarirun sō. Nge mεya u koo ko u ka dii dεera ten disi wōka, domi ta wāa disigibun suunu sō. <sup>17</sup> Goo kun ko n wāa dii ten sōwō sanam mε Aroni u koo du mi, u ka toranun yākuru ko sere u da u ka yarima. U koo win tii ka win yenugibun toranun yākuru ko. Yen biru kpa u maa Isireliba kpurogiru ko. <sup>18</sup> U n yariō, u koo dawa yāku yerō kpa u tu dεerasiabun wororu koosi. Yen biru kpa u ketε ye, ka boo gen yem sua u tēni yāku yerun kāanu nne yen baayere sō. <sup>19</sup> U koo yem mε dekawa ka win niki bia u yεka nōn nōba yiru yāku yee ten wōllō. Nge mεya u koo ka tu dεerasia Isireliban toranun di kpa u tu yi nenem Yinni Gusunōn sō.

<sup>20</sup> Sanam mε u dii te ta dεere gem gem dεerasia u kpa, ka dii dεera te, ka yāku yeru, u koo de bu ka boo ge ga wasi mi nawa. <sup>21</sup> Aroni u koo win nāma kpuro sōndiwa boo gen wiru wōllō kpa u Isireliban toranu kpuro tuuba ko ka mem nōbu sari te ba kua kpuro. Kpa u boo ge tora ni kpuro sōbi kpa u de goo u gu gira u ka da gburō. <sup>22</sup> Nge mεya boo ge, ga koo ka Isireliba kpuron toranu sōbe gu ka doona

gbaburɔ mi goo kun wãa.

<sup>23</sup> Yen biru u koo wura kuu ten mi, kpa u win sãa yãa ni u doke potiri u nu yi mi. <sup>24</sup> Kpa u wobure yam dɛɛramɔ kpa u win tiin yãnu doke. Yen biru kpa u yari u na u yãku dɔɔ mwaararugiru ko win tiin sɔ ka sere maa Isireliban sɔ. Yen biru kpa u torarun yãkuru ko win tiin sɔ ka sere Isireliban sɔ. Kpa u suuru kanabun woronu ko win tii ka Isireliban sɔ. <sup>25</sup> Yen biru kpa u yaa yen gum dɔɔ doke yãku yerɔ ye ba ka torarun yãkuru kua mi.

<sup>26</sup> Wi u boo ge gira u ka da gbaburɔ u koo win yãnu teawa kpa u wobure u sere du sansaniɔ. <sup>27</sup> Kɛɛ ye, ka boo gen yem mɛ ba ka da dii te ta dɛɛre gem gem sɔɔ toranun sɔ, ba koo yen yaa ka yen gɔni ka yen bisu yarawa ben sansanin di bu dɔɔ doke. <sup>28</sup> Wi u ye kpuro dɔɔ mɛni u koo win yãnu teawa kpa u wobure u sere wurama sansaniɔ.

<sup>29</sup> Yeni ya ko n sãawa wooda sere ka baadommaɔ. Suru nɔɔba yirusen sɔɔ wɔkuruse, i nɔɔ bɔkuo kpa i bɛɛn sãma deri sere ka sɔbɔ be ba wãa bɛɛn suunu sɔɔ. <sup>30</sup> Domi tɔɔ te sɔɔra ba koo bɛɛ torarun yãkuru kua bu ka bɛɛ dɛɛrasia. Nge mɛya i ko i ka dɛɛra bɛɛn durum kpuron di Yinni Gusunɔn wuswaaɔ. <sup>31</sup> Tɔɔ te, ta koo kowa tɔɔ wɛrarugiru kpa i n da nɔɔ bɔke. Kpa ya n sãa wooda sere ka baadommaɔ.

<sup>32</sup> Amɛn biru yãku kowo wi ba gum tãre ba gɔsa u ka ko yãku kowo tɔnwero win baaban kɔsire, wiya u koo sãa yãa ni doke ni ba kua ka wɛɛ damgii. <sup>33</sup> Wiya u ko n da yãkuru ko u ka dii te ta dɛɛre gem gem dɛɛrasia ka sere dii dɛɛra te, ka yãku yee te, ka yãku kowobu ka sere maa Isireliba kpuro.

<sup>34</sup>Yeni ya ko n sãawa wooda sere ka baadommaa. Wõa tia sãa, ba ko n da yākuru kowa Isireliba kpuron toranun sã nɔn teeru.

Ma Aroni u kua kpuro ye Yinni Gusunɔ u Mɔwisi sãwa.

## **NGE ME ISIRELIBA BA KO N KA DEERE**

### **17**

#### *Gusunɔ u yina bu yem di*

<sup>1</sup>Yinni Gusunɔ u Mɔwisi sãwa u nɛɛ, <sup>2</sup>a Aroni ka win bibu ka sere Isireliba kpuro sãwa a nɛɛ, wooda wee ye nɛ, Yinni Gusunɔ na wɛɛmɔ.

<sup>3</sup>Isireliba sãa goo ù n kī u saberu garu saka sansaniɔ ñ kun mɛ mi u wãa kpuro, u koo gina ka tu nawa nen kuu bekurugirun kɔnnɔwɔ u ka tu yākuru ko nɛ, Yinni Gusunɔn wuswaaɔ. <sup>4</sup>Yẽro u kun kue mɛ, ba koo nùn sabe ten yem bikiawa domi u yem yariwa mi. Saa ye sãa, ba koo yẽro yarawa Isireliban suunu sãan di. <sup>5</sup>Wooda yeni ya koo dewa Isireliba bu ka ben yaa sabenu na yāku kowon mi nen kuu ten kɔnnɔwɔ bu go nɛ, Yinni Gusunɔn wuswaaɔ. Kpa bu ku raa tu go mi ba tura. Kpa ta n sãa siarabun yākuru. <sup>6</sup>Yāku kowowa u koo ten yem mɛ yēka yāku yerɔ kuu ten kɔnnɔwɔ. Kpa u ten gum dãa doke mèn nuburu ta koo nɛ, Yinni Gusunɔ dore. <sup>7</sup>Nge mɛya Isireliba ba ñ maa ka bũnu yākuru kuamme nìn bwāarokunu nu ka bonu weenɛ. Yeni ya ko n wãawa ben tiin sã ka ben bibun bibun sã sere ka baadommaa.

<sup>8</sup>N n mɛn na, Isireli goo, ñ kun mɛ sãa goo wi u wãa ben suunu sãa, ù n yāku dãa mwaararugiru mɛ, ñ kun mɛ yākunu ganu, <sup>9</sup>ma u ñ ka nu nɛ nɛ, Yinni

Gusunon kurun kənnəwə u ka nin yaa go, ba koo yēro yarawa ben suunu səon di.

<sup>10</sup> Wee wooda ye ne, Yinni Gusunə na maa wēemə. Isireli goo, n̄ kun me səə goo wi u wāa ben suunu səə ù n yem di, baa n̄ n mēren na mu s̄a, ne, Yinni Gusunəwa kon yēro wərima n n̄n yara win təmbun suunu səon di. <sup>11</sup> Domi yem səəra hunde koni kpuron wāara wāa. Na dera i yem dendimə yāku yerə i ka bēen toranun suuru wa. Yem mēya mu ra de tənu u win torarun suuru wa. <sup>12</sup> Yen s̄na na nē, Isireliban goo n̄ kun me səə goo bēen suunu səə u n̄ yem dimə.

<sup>13</sup> Bē Isireliban goo n̄ kun me səə goo wi u wāa bēen suunu səə, ù n yaa gaa mwa taasoru səə n̄ kun me gunə gagu ge ba ra di, u koo yaa ye, n̄ kun me gunə gen yem yariwa kpa u mu yanim wukiri. <sup>14</sup> Domi hunde koni ye ya wasi kpuro, yen wāara wāawa yen yem səə. Yen s̄na na nē, i ku hunde koni gaan yem di. Domi yem səəra wāara wāa. Wi u maa yina u mu di, ba koo yēro wunawa wigibun suunu səon di.

<sup>15</sup> Bē Isireliban goo, n̄ kun me səə goo wi u wāa bēen suunu səə, ù n yaa goru di n̄ kun me yaa ye gbeeku yaa ya go, yēro u koo win yānu teawa kpa u wobure. Adama ka me, u ko n s̄awa disigii sere ka t̄ə ten yokaə u sere dēera. <sup>16</sup> U kun win yāa ni teye, ma u n̄ wobura, u koo win torarun are mwa.

## 18

### *K̄ə menna bi bu n̄ bēere mə*

<sup>1</sup> Yinni Gusunə u Məwisi s̄əwa u nē, <sup>2</sup> a Isireliba s̄əwə a nē, nēna na Gusunə bēen Yinni. <sup>3</sup> I ku ra ko ye ba ra ko Egibit̄ə mi i raa sina. I ku maa ko

ye Kananiba m̀̀ mi na ka bεε dɔɔ. I ku ben komanu swĩi. <sup>4</sup> Adama i nen woodaba ka nen yirebu mem nɔɔwɔ kpa i ye swĩi. Domi nena na sāa Gusunɔ been Yinni.

<sup>5</sup> N n men na, i nen gere ka nen woodaba mem nɔɔwɔ. Wi u ye mem nɔɔwa u ko n wãawa yen sɔ. Ne Yinni Gusunɔwa na yeni gerumɔ.

<sup>6</sup> Nena na wooda yeniba wεemɔ. Na neε, been goo u ku raa ka win dusi tɔn kurɔ kɔɔ menna.

<sup>7</sup> I ku been tundo sekuru doke i ka been mero kɔɔ menna. Domi u sãawa been mero.

<sup>8</sup> I ku ka been meron nisi goo kɔɔ menna, domi i n kua me, i been tundo sekuru dokewa mi.

<sup>9</sup> I ku ka been sesu tundo turosi n̄ kun me mero turosi kɔɔ menna baa b̄ kun beε seeye yenu teu sɔɔ.

<sup>10</sup> I ku ka been nikurɔbu kɔɔ menna baa ù n sãan na tɔn durɔn bii, n̄ kun me tɔn kurɔn bii. Domi wi u kua me, u tii sekuru dokewa mi.

<sup>11</sup> I ku ka been tondon kurɔ goon bii kɔɔ menna domi u sãawa been sesu.

<sup>12</sup> I ku ka been tiɔ kɔɔ menna, domi u sãawa been tondon dusi.

<sup>13</sup> I ku maa ka been meron wɔnɔ n̄ kun me win mɔɔ kɔɔ menna. Domi u sãawa been meron dusi.

<sup>14</sup> I ku maa been tondon wɔnɔ n̄ kun me win mɔɔ sekuru doke i ka win kurɔ kɔɔ menna. Domi kurɔ wi, u sãawa nge been tiin mero.

<sup>15</sup> I ku ka been bigii kurɔ kɔɔ menna, domi u sãawa been biin kurɔ.

<sup>16</sup> I ku ka been wɔnɔ n̄ kun me been mɔɔn kurɔ kɔɔ menna. I n kua me, i n̄n sekuru dokewa.

<sup>17</sup> I ku ka tɔn kurɔ kɔɔ menna kpa i maa ka win bii kɔɔ menna, n̄ kun me win nikurɔbu, domi ba sãawa mi dusinu. I n kua me, ya sãawa mi tora bakaru.

18 I ku bεen kurɔ wɔnɔ ñ kun mε win mɔɔ sua kurɔ sanam mε kurɔ win tii u wãa wãaru sɔɔ. Domi ya koo nisinu ma.

19 I ku ka tɔn kurɔ menna sanam mε u yasa mɔ, domi u sãawa disigii.

20 I ku ka bεen winsim kurɔ kɔɔ menna. I n kua mε, i tii disi koosiwa mi.

21 I ku ka bεen bii yākuru ko bũu wi ba mɔ Mɔlɔkun mi. Domi ñ n kua mε, nε, Yinni Gusunɔn yīsira i sankam mi. I n yē ma nena na sãa Gusunɔ bεen Yinni.

22 I ku ka bεen tɔn durɔsi kɔɔ menna nge mε i ra ka tɔn kurɔ ko. Domi ya sãawa seku bakaru.

23 I ku ka yaa saberu kɔɔ menna nge tɔn kurɔ. Domi ñ n kua mε, i tii disi dokewa. Nge mɛya maa tɔn kurɔ goo u ku raa de yaa saberu tu ka nùn menna. Ya sãawa seku bakaru.

24 I ku de koma ninin bweseru nu bεε ko disigibu. Domi niya bwese tuku nini nu ra ko ni kon gira bεen suunu sɔɔn di. 25 Ba tem mɛn tii disi doke, ma na mu sɛɛyasia ma mu mɛn tɔmbu yarinasia.

26 Bεε Isireliba ka bεε sɔbu bεε be i wãa Isireliba sɔɔ, i nɛn gere ka nɛn wooda ye mɛm nɔɔwɔ. Kpa i bwese nin koma sekurugii ni deri. 27 Be ba raa sina tem mε sɔɔ i sere na, ba koma ni kua ma tem mε, mu disi duura. 28 N n mɛn na, bεen tii i ku mu disi doke kpa mu ku raa maa bεε yarinasia nge yellugibu.

29 Domi be ba koma nin garu saara Isireliba kpuro sɔɔ, ba koo bu wunawa ben tɔmbun suunu sɔɔn di.

30 Nɛna Gusunɔ bεen Yinni. I de i nɛn gere ka nɛn wooda ye mɛm nɔɔwa mam mam. Kpa i ku bwese tuku nin komanu swĩ ni ba ra ko i sere tunuma mini. Kpa i ku ra tii disi doke.

# 19

## *Nge mε n weenε bu Gusunɔ sã*

<sup>1</sup> Yinni Gusunɔ u Mɔwisi sɔɔwa u nεε, <sup>2</sup> a Isireliba kpuro sɔɔwɔ a nεε, i de i n dεere, domi nε Gusunɔ bεen Yinni na dεere.

<sup>3</sup> Yen sɔ, bεen baawure u win tundo ka win mero bεere wεeyɔ kpa u n da wēre tɔɔ wērarugiru sɔɔ. Nεna Gusunɔ bεen Yinni.

<sup>4</sup> I ku tii bũnu wε, i ku ra maa bwāaroku gagu seku.

<sup>5</sup> I n nε, Yinni Gusunɔ siarabun yākuru kuamme, i tu koowo nge mε ta koo ka man wēre. <sup>6</sup> I ko ten yaa diwa dɔma te i ka ye yākuru kua n̄ kun mε sisiru. Adama ye ya tiara sɔɔ itase, i ko ye dɔɔ meniwa. <sup>7</sup> I n ye di sɔɔ itase, na n̄ yāku te mwaamɔ. Domi yaa ye, ya disu duurawa mi. <sup>8</sup> Wi u ye di u koo win torarun are wa, domi u n̄ ye garisi nεgia. Ba koo yēro wunawa bεen suunu sɔɔn di.

<sup>9</sup> I n bεen dīanu gεemɔ, i ku gε ye ya wāa gbee goorɔ. I ku maa bεen gberun dīanu kunɔnu ko.

<sup>10</sup> Meya i ku maa resem gberu sɔɔ resem kunɔnu ko ka maa resem ye ya wɔruma. I ko ye deriwa sārɔbu ka sɔɔbun sɔ. Nε Gusunɔ bεen Yinniwa na yeni gerua.

<sup>11</sup> I ku gbeni, i ku maa bεen winsim weesu kua n̄ kun mε i n̄n̄ n̄ni wāke. <sup>12</sup> I ku b̄ri weesugii ko ka n̄n̄ yīsiru. Domi i n̄ kua mε, i n̄n̄ yīsiru sankawa. Nε Gusunɔ bεen Yinniwa na yeni gerua.

<sup>13</sup> I ku bεen winsim dam dɔre. I ku maa n̄n̄ gāanu mwaari ka dam. I ku bεen sɔm kowon kɔsiaru n̄n̄ sere yam mu ka sāra. <sup>14</sup> I ku soso wɔmε. I ku maa gāanu yi wākon wuswaaɔ ni nu koo



nùn sura. I de bēen daa yu sǎosi ma i man nasie ne Gusunǎ bēen Yinni.

<sup>15</sup> I ku murafitiru ko siribu sǎo. I ku goon bwēebwēeru ñ kun me win dam mēeri i ka nùn siri. Adama i ko i bu siriwa nge me baawuren gem mu ne. <sup>16</sup> I ku gari weesugii kpara bēen tǎnusin sǎ. I ku maa nùn gari mani yi yi koo nùn go.

<sup>17</sup> I ku bēen winsim tusi gǎruǎ. Adama i nùn gerusio kpa i ku ra tii durum sǎbi win sǎ. <sup>18</sup> I ku bēen winsim mǎru kǎsie. I ku maa ka goo mǎru nenē. I bēen tǎnusi kǎo nge bēen tii. Ne Yinni Gusunǎwa na yeni gerua.

<sup>19</sup> I de i nen wooda yeniba mem nǎowa. I ku de yeē bwese bweseka yu yǎna. I ku dǎa bwesenu yiru duure gbee teeru sǎo. I ku yǎnu doke ni ba kua ka wēē bwesenu yiru.

<sup>20</sup> Goo ù n ka yoo tǎn kurǎ kǎo menna wi ba durǎ kǎ, adama ba ñ gina nùn yakie win yorun di, yēro u koo yen gobi kǎsiawa, adama ba ñ bu goomǎ. Domi kurǎ wi, u gina sǎa yoo. <sup>21</sup> Durǎ win torarun sǎ, u koo ka yǎa kineru na Yinni Gusunǎn wuswaaǎ win kurun kǎnnǎwǎ u ka torarun sǎmbun yǎkuru ko. <sup>22</sup> Kpa yǎku kowo u nùn torarun suurun wororu koosi ne Yinni Gusunǎn wuswaaǎ. Saa ye sǎra u koo win torarun suuru wa.

<sup>23</sup> Sanam me i dua Kananin temǎ i kpa, ma i dǎa bwese bweseka duura, i ko yen marum garisawa disigim, wǎo ita. I ñ mu dimǎ. <sup>24</sup> Wǎo nnēsen marum me ya koo ma, mu ko n sǎawa ne Yinni Gusunǎgim, i ka man siara tǎo bakarun saa. <sup>25</sup> Saa wǎo nǎobusen diya bēen tii i ko i n da dǎa marum me sǎri i di. Ne Gusunǎ bēen Yinniwa na yeni gerua.

<sup>26</sup> I ku gāanu ganu di ka yem. I ku wεε ñ kun me guru wiru mεeri i ka bikiaru ko. <sup>27</sup> I ku bεen wirun goo gookan seri kōni bwεεreke. I ku maa bεen toburun beri berika kōni. <sup>28</sup> I ku bεen wasi muriri goon gōon sō. I ku maa bεen wasi yore. Ne, Yinni Gusunōwa na yeni gerua.

<sup>29</sup> I ku bεen bii wāndiaba sekuru doke i bu kurō tanaru kpēε sāaru garun sō, kpa sakararu ka sekuru sariru tu ku raa yibu tem me sō. <sup>30</sup> I n da tōo wērarugiru yaaye kpa i nen kuu bekurugiru bεere wē. Ne, Yinni Gusunōwa na yeni gerua.

<sup>31</sup> I ku da be ba ra gōribu sokun mi ñ kun me sōrobun mi kpa i ku ra ka tii disi doke. Domi nena na sāa Gusunō bεen Yinni.

<sup>32</sup> I wi u seri kpiki mō kpuro kpunō kpa i durō tōkō bεere wē. I maa ne, Yinni Gusunō nasio. Domi nena na sāa bεen Yinni.

<sup>33</sup> Sōo goo ù n wāa bεen tem sōo, i ku nùn dam dōre. <sup>34</sup> I ko i nùn kuawa nge kpa ya yēro, kpa i nùn kīa nge bεen tii. Domi bεen tii i raa sōru di Egibitio. Ne Gusunō bεen Yinniwa na yeni gerua.

<sup>35</sup> I ku murafitiru ko siribu sōo, ka gāa yīirubu sōo, ka kiloba sōo ka sakakunu sōo. <sup>36</sup> I de bεen kiloba ka bεen sakakunu ye kpuro ya n sāa dee dee. Ne Gusunō bεen Yinniwa na ye gerua, ne wi na bεe yara Egibitin di.

<sup>37</sup> I nen woodaba kpuro mem nōwō kpa i ye swī. Ne, Yinni Gusunōwa na ye gerua.

## 20

### *Sāa ni Gusunō u yina*

<sup>1</sup> Yinni Gusunō u Mōwisi sōōwa u neε, <sup>2</sup> a Isireliba sōōwō a neε, ben goo ñ kun me sōo wi u wāa be sōo ù

n win bii sua u ka bũu wi ba m̀ M̀l̀k̀u ỳk̀uru kua, ba koo ǹn kasukuwa bu go. <sup>3</sup> Nε, Yinni Gusunɔwa kon ǹn w̄ri kpa n ǹn wuna n̄n t̄mbun suunu s̄ɔn di ȳn s̄ɔ u ka win bii M̀l̀k̀u ỳk̀uru kua ma u n̄n kuru disi doke u n̄n ȳsi d̄eraru sank̄a. <sup>4</sup> Isireliba b̀a n yina bu dur̄ win bweseru go, ma ba ǹn m̄era u daa yen bweseru m̀, <sup>5</sup> n̄n tiiwa kon ǹn w̄ri wi ka win ȳnugibu kpuro kpa n ǹn yara win t̄mbun suunu s̄ɔn di ka sere be ba maa M̀l̀k̀u ye s̄am̄.

<sup>6</sup> Goo ù n bikiaru da ḡri sokobun mi ñ kun m̄ s̄robun mi, kon ǹn w̄riwa kpa n ǹn wuna win t̄mbun suunu s̄ɔn di.

<sup>7</sup> I de i n d̄ere, domi n̄n tii na d̄ere. Nε Gusunɔ b̄en Yinniwa na ye gerua.

### *K̄ɔ m̄enna bi Gusunɔ u yina*

<sup>8</sup> N̄na Yinni Gusunɔ wi u b̄e ḡsa i n ka d̄ere. I ko i n̄n woodaba m̄m n̄ɔwawa kpa i s̄i ye s̄ɔ.

<sup>9</sup> Goo ù n win tundo ñ kun m̄ win m̄ero b̄rusi, ba koo ȳro gowa kpa win ȳm mu w̄ri win tii s̄ɔ.

<sup>10</sup> Goo ù n ka goon kur̄ kpuna, ba koo kur̄ wi ka dur̄ wi gowa.

<sup>11</sup> Goo ù n ka win tondon kur̄ kpuna, u win tundo sekuru dokewa. Ba koo ȳro gowa ka kur̄ wi sannu kpa ben ȳm mu w̄ri ben tii s̄ɔ.

<sup>12</sup> Goo ù n ka win biin kur̄ kpuna, ba koo ȳro gowa ka kur̄ wi sannu. Domi seku bakara ba kua mi. Ben ȳm mu koo w̄riwa ben tii s̄ɔ.

<sup>13</sup> T̄n dur̄ ù n ka win t̄n dur̄si kpuna nge m̄ ba ra ka t̄n kur̄ m̄n̄n̄, ba koo be yiru ye kpuro gowa. Domi ḡa k̄suna ba kua mi. Ben ȳm mu koo w̄riwa ben tii s̄ɔ.

14 Goo ù n bii ka mero sua kurɔ, tora bakara mi. Ba koo be kpuro dɔɔ mɛniwa. Kpa yen bweseru ya kun wāa bɛɛn suunu sɔɔ.

15 Goo ù n maa ka yaa saberu mɛnna nge mɛ ba ra ka tɔn kurɔ mɛnnɛ, ba koo yɛro gowa ka yaa sabe ten tii.

16 Tɔn kurɔ ù n maa ka yaa saberu mɛnna nge mɛ ba ra ka tɔn durɔ mɛnnɛ, ba koo nùn gowa ka yaa sabe ten tii. Kpa ben yɛm mu wɔri ben tii sɔɔ.

17 Goo ù n win sesu tundo turosi n̄ kun mɛ mero turosi sua kurɔ u ka kpuna, ba tii sekuru dokewa mi. Ba koo bu wunawa ben tɔmbun suunu sɔɔn di. Durɔ wi, u koo win torarun are sɔbewa. Domi u ka win sesu kpuna.

18 Goo ù n ka tɔn kurɔ mɛnna wi u yasa mɔ, ma yen yɛm mɛ mu yara u mu wa, ba koo be yiru ye yarawa Isireliban suunu sɔɔn di.

19 I ku ka bɛɛn mɛron wɔnɔ n̄ kun mɛ win mɔɔ n̄ kun mɛ bɛɛn tiɔ kɔɔ mɛnna. Domi i sɔawa dusinu. Wi u kua mɛ, u koo yen are wa.

20 Goo ù n ka win tondon wɔnɔ n̄ kun mɛ tondon mɔɔn kurɔ kpuna, u bu sekuru dokewa. Kurɔ wi, ka durɔ wi, ba koo ben toranun are wa. Ba n̄ bii marumɔ sere bu ka gbi.

21 Goo ù n win wɔnɔ n̄ kun mɛ win mɔɔn kurɔ sua, u torawa mi. U win wɔnɔ n̄ kun mɛ win mɔɔ wi sekuru dokewa mi. Kurɔ wi, ka durɔ wi, ba n̄ bibu marumɔ.

22 I de i nɛn woodaba ka nɛn yiirebu mɛm nɔɔwa kpa i ka ye sɔmburu ko, kpa tem mi na ka bɛɛ dɔɔ mu ku raa bɛɛ yarinasia. 23 I ku bwese nin komanu swīi ni na kon bɛɛ gira. Domi koma niya ba kua na ka bu yina. 24 Na bɛɛ sɔɔwa na nɛɛ, bɛɛya i ko i n ben tem mɛ mɔ.

Nɛna kon bɛɛ mu wɛ̃.

Tem mɛ, mu tim ka bom yiba.

Nɛna Gusunɔ bɛɛn Yinni nɛ wi na bɛɛ wuna saa bwese ni nu tien di. <sup>25</sup>Yen sɔ̃na i ko i wunaɗa yaa ye i ko i di ka ye i kun dimɔ ka sere maa gunɔ si i ko i di ka si i n̄ dimɔ kpa i ku ra bɛɛn tɔmbu disi doke yɛɛ yi, ka gunɔ sin sɔ̃ ye na gesi nɛɛ, i ku di mi.

<sup>26</sup>I de i n dɛɛre i n wāa nɛn sɔ̃, domi na dɛɛre. Nɛ, Yinni Gusunɔwa na bɛɛ wuna nɛnɛm bwese ni nu tien suunu sɔ̃n di i n ka sāa nɛgibu.

<sup>27</sup>Goo ù n wāa bɛɛn suunu sɔ̃, tɔn kurɔ n̄ kun mɛ tɔn durɔ ma u ra gɔribu soku n̄ kun mɛ u ra sɔroru ko, ba koo yɛ̃ro kpenu kasukuwa kpa win yɛm mu wɔri win tii sɔ̃.

## 21

### *Yāku kowobun woodaba*

#### *1. Wooda ye ya ka*

#### *yāku kowon tii yā*

<sup>1</sup>Yinni Gusunɔ u Mɔwisi sɔ̃wa u nɛɛ, a Aroni ka win bibu sɔ̃wa a nɛɛ, yāku kowo u ku raa tii disi doke u wigii goon goru baba <sup>2</sup>ma n kun mɔ win mɛro ka win tundon goru ka win tiin biigiru ka win wɔnɔ ka win mɔɔgiru <sup>3</sup>ka sere win sesu wi u kun durɔ yɛ̃giru wi ba n̄ gina sue. <sup>4</sup>Isireliban suunu sɔ̃, yāku kowo wi, u sāawa ben guro guro. Yen sɔ̃, u n̄ koo tii disi doke ka ben goon goru.

<sup>5</sup>Goo ù n gu, yāku kowobu bu ku raa ben wii suunun seri kɔ̃ni, bu ku raa maa ben toburun beri berika kɔ̃ni. <sup>6</sup>Mɛya bu ku raa maa tii muriri wasi sɔ̃. Ba ko n wāawa nɛ Gusunɔ ben Yinnin sɔ̃. Ba n̄ nɛn yĩsiru sankumɔ. Domi beya ba ko n da man

yākuṅu kue ni nu sãa ñen dīanu. Yen sō, ba ko n dεεrewa.

<sup>7</sup> Ba ñ koo kurɔ tanɔ ñ kun mε wi ba gaba ba ka kpuna sua kurɔ. Ba ñ maa kurɔ wi u win durɔ yina suamɔ. Domi ba ko n dεεrewa ba n wãa nε, Yinni Gusunɔn sō. <sup>8</sup> Isireli baawurewa u koo yāku kowo garisi tɔn dεero. Domi wiya u ra ka bεen yākuṅu nε, nε, Yinni Gusunɔn mi. Yen sō, ba ko n dεεrewa, domi nε, Yinni Gusunɔ na dεere. Nena na bεε gɔsa i n ka maa dεere.

<sup>9</sup> Yāku kowo goon bii wɔndia ù n tii sekuru dokemɔ u kurɔ tanaru dimɔ, win tundowa u sekuru dokemɔ. Ba koo bii wɔndia wi dōɔ meniwa.

<sup>10</sup> Yāku kowo wi ba gum tãre wirɔ u kua yāku kowo tɔnwero, ma ba nùn sãa yānu dokea, u ku maa win seri sanku goon gɔɔn sō. Meya u ku maa win yānu gēeku. <sup>11</sup> U ku raa goru garu susi u tii disidi doke, baa ñ n win tundo ñ kun mε win meron gorun na. <sup>12</sup> U ñ maa yariɔ ñen kurun di goon gorun sō, u ku ka kuu te disidi doken sō. Domi ba nùn gum tãre u n ka sãa ñenem. Nε, Yinni Gusunɔwa na ye gerua.

<sup>13</sup> Wɔndia wi u kun durɔ yēwa yāku kowo tɔnwero u koo sua kurɔ. <sup>14</sup> U ñ koo gɔmini goo sua kurɔ ñ kun mε kurɔ wi ba yina ñ kun mε kurɔ wi ba gaba ba ka kpuna ñ kun mε kurɔ tanɔ. Adama wɔndia wi u kun durɔ yēwa u koo sua win dusibu sɔɔ. <sup>15</sup> Kpa u ku raa bwese tukuru doke win bweseru sɔɔ. Nε Yinni Gusunɔwa na nùn gɔsa u n ka dεere.

## *2. Wi u kun kpē*

### *u ko yāku kowo*

16 Yinni Gusunə u maa Məwisi səwə u nεε, 17 a Aroni ka win bibu səwə a nεε, baa ka win bibun bweserə goo ù n alebu gaa mə win wasi səw, yēro kun kpē u da nən kuu te səw u nε, Yinni Gusunə dīanu ganu yākuru kua. 18 Alebugii goo kun kpē u nən səmbu te ko, aa wəkwə? Aa kōri barəwa? N kun mε yēron wuswaa ya kəsikirewa? 19 N kun mε yēron naasu n kun mε win gāsera bəwəwa? 20 N kun mε yēro u kundu kpiawa? N kun mε u sāawa tən kəmiakubu? N kun mε yēron nəni kpiawa? N kun mε yēro taataaru n kun mε debu məwa? N kun mε win tīa bii kəsikira? 21 Wi u alebu gaa mə wasi səw gesi Aronin bweseru səw, u n kpē u nε, Yinni Gusunə yākuru kua. U n maa kpē u ka dīanu ganu na u ka yākuru ko nən kuu te səw. 22 Adama u koo kpī u nε, Yinni Gusunən dīa dεeranu di. 23 Win alebun sənə u n kpē u susi yāku yerə ka kuu ten beku kare ten mi. Kpa u ku raa nən kuu te disi doke. Nε, Yinni Gusunəwa na ra yāku kowobu gəsi ba n ka dεere.

24 Ma Məwisi u Aroni ka win bibu ka Isireliba kpuro gari yi səwə.

## 22

### 3. *Be ba koo yāku dīanu di*

1 Yinni Gusunə u Məwisi səwə u nεε, 2 a Aroni ka win bibu səwə a nεε, ba n tii sε dīa ni Isireliba ba ka man naawamme səw, kpa bu ku raa nən yīsi dεera te sanku. Nəna na sāa Yinni Gusunə.

3 Ben bweseru səw, goo ù n nu susi, ma u disi gεε mə, ba koo yēro yarawa nən səmburun di. 4 Aronin bweseru səw, goo ù n bara disigiru mə, n kun mε ù n kentu kpika mə, u n yāku dīa ni dimə sere ù n

dεera, <sup>5</sup> ka sere wi u goru baba ñ kun mε win sen nim mu wīa ñ kun mε wi u yaa gaa baba ye ya disi mǎ ñ kun mε wi u goo baba wi u disi mǎ. <sup>6</sup> Wi u yen gaa baba gesi, u disi duurawa mi sere ka yokaǎ. U ñ kpē u yāku dīa ni di ma n kun mǎ u wobura mam mam. <sup>7</sup> U n wobura, yokan di u dεera, u koo kpī u nɛn dīa ni di. Domi niya nu sǎa win dīanu. <sup>8</sup> Meya yāku kowo goo kun yaa goru temmǎ ñ kun mε yaa ye gbeeku yaa gaa ya go u ku raa ka tii disi doken sǎ. Nε, Yinni Gusunǎwa na yeni gerua.

<sup>9</sup> Ba koo nɛn woodaba mɛm nǎɔwawa domi bà n nɛn dīanu disi doke, ba koo ben torarun are sǎbe kpa bu gbi. Nε, Yinni Gusunǎwa na bu gǎsa ba n ka dεere.

<sup>10</sup> Tǎn diro kun yāku dīa ni dimǎ baa yāku kowon sǎm kowo ñ kun mε win sǎɔ. Yēro kun yāku dīa ni dimǎ. <sup>11</sup> Adama yoo wi yāku kowo u dwa ka wi ba mara win yenuǎ, ba koo kpī bu dīa ni di. <sup>12</sup> Yāku kowon bii tǎn kurǎ ù n tǎn diro sua durǎ, ù ku raa yāku dīa ni di. <sup>13</sup> Adama bii wi, ù n sǎa gǎmini ñ kun mε win durǎ u nùn yina, ma u ñ ka durǎ wi mara, ma u gǎsira win tundon yenuǎ u sǎ nge sanam mε u ñ durǎ sue, u koo kpī u dīa ni di. Ma n kun mε, tǎn diro u ku dīa ni di.

<sup>14</sup> Tǎn tuko goo ù n nu di u ñ ka baaru, u koo nin kǎsire yāku kowo wēwa. Yen biru kpa u nùn nin bǎnu nǎɔbun tia sosia.

<sup>15</sup> Yāku kowobu bu ku raa dīa ni disi doke nì Isireliba ba ka yākuru kua Yinni Gusunǎn wuswaaǎ. <sup>16</sup> Bà n nu di sanam mε n ñ weenε bu nu di, ba Isireliba toranu sǎbimǎwa. Nεna Yinni Gusunǎ, nε wi na ra yākunu dεerasie.

*Sabe te ba koo ka yākuru ko*



17 Yinni Gusunɔ u Mɔwisi sɔɔwa u nɛɛ, 18 a Aroni ka win bibu ka Isireliba kpuro sɔɔwɔ a nɛɛ, goo be sɔɔ ñ kun mɛ sɔɔ goo wi u wãa ben suunu sɔɔ, ù n kĩ u yãku dɔɔ mwaararugiru ko ka kĩru, ñ kun mɛ u ka nɔɔ mwɛɛru garu yibia, 19 nɛ, Yinni Gusunɔ n sere tu mwa, yaa sabe dɔɔ ge ga ñ alebu mɔ gera u koo ka na, naa, ñ kun mɛ yãaru, ñ kun mɛ boo, ya n gesi sãa dwa. 20 U ñ koo ka yaa saberu na te ta alebu gaa mɔ. Domi ù n ka tu yãkuru kua, na ñ mwaamɔ. 21 Goo ù n siarabun yãkuru mɔ ka kĩru ñ kun mɛ u ka nɔɔ mwɛɛru garu yibia, u koo tu kowa ka sabe te ta ñ alebu gaa mɔ n sere win yãku te mwa. 22 N n mɛn na, bu ku ka sabe wãko na, ñ kun mɛ te ta kɔri bɔɔre, ñ kun mɛ te ba so ba kɔsiki, ñ kun mɛ te ta boo boosu ñ kun mɛ taataaru mɔ gɔnaɔ. Bu ku ka yen gaa yãku dɔɔ mwaararugiru ko. 23 Ba koo kpĩ bu ka yaa sabe tɛn wasin bee tia kpãaru bo kɛrun yãkuru ko. Adama bu ku ka tu nɔɔ mwɛɛrugiru ko. 24 Bu ku raa ka yaa sabe tɛn tĩara kɔra ñ kun mɛ ba wĩa nɛ, Yinni Gusunɔ yãkuru kua. Bu ku maa yen bweseru yaa saberu garu kua bà n dua ben temɔ. 25 Bu ku ka nɛ, Yinni Gusunɔ sabe ten bweseru yãkuru kua te ba wa sɔbun mi. Domi sabe tɛn wasi ba mɛera kua, ta sãawa nge sabe te ta alebu mɔ. Nɛ, Yinni Gusunɔ, na ñ yãku ten bweseru mwaamɔ.

26 Yinni Gusunɔ u Mɔwisi sɔɔwa u nɛɛ, 27 bà n ketɛ buu mara ñ kun mɛ yãaru ñ kun mɛ boo, ga koo kowa sɔɔ nɔɔba yiru ka gen mero. Adama saa sɔɔ nɔɔba itasen di, ba koo kpĩ bu ka gu yãku dɔɔ mwaararugiru ko. 28 Bu ku raa yaa saberu garu go ka ten buu sɔɔ teeru.

29 Bà n nɛ, Yinni Gusunɔ siarabun yãkuru kuammɛ, bu tu koowo nge mɛ kon ka tu mwa.

<sup>30</sup> Yen dāma tera ba koo ten yaa di. Ba ñ yen gaa tiamə sere sisiru.

<sup>31</sup> Ba koo nən wooda ye mēm nəwawa kpa bu ye swīi. <sup>32</sup> Bu ku raa nən yīsiru sanku kpa bu wa bu man bεεε wē ben suunu səə. Nəna na Yinni Gusunə wi u bεε gəsa i n ka dεere. <sup>33</sup> Nəna na bεε yara saa Egibitin di na n ka sāa Gusunə bεen Yinni.

## 23

### *Tḗə baka bwese bweseka*

<sup>1-2</sup> Yinni Gusunə u Isireliba sḗəwa saa Məwisin nḗən di u nεε, tḗə baka nḗ sḗə i ko i n da menna i man sḗ, ni wee.

### *Tḗə wērarugiru*

<sup>3</sup> Alusuma tia sḗə, sḗə nḗəba tia i ko i n da sḗmburu ko, sḗə nḗəba yiruse, i ko i wēra kpa i menna i ka man sḗ. Yen tḗə te, i ku ra sḗmburu garu ko. I ko i tu diwa nən sḗ baa mi i wāa kpuro gesi.

<sup>4</sup> Tḗə baka ni nu maa tie, nḗ sḗə i ko i menna i ka man sḗ, nin tḗnu wee.

### *Gəə sararibun tḗə bakaru*

<sup>5</sup> Yinni Gusunə u nεε, wḗən suru gbiikoon sḗə wəkura nnesen yokan di, i Gəə sararibun tḗə bakaru dio nε, Yinni Gusunən sḗ.

<sup>6</sup> Yen sḗə wəkura nḗəbuse sḗəra i ko i pḗε ye ba kun seeyatia doken tḗə bakaru tore. I ko i kowa sḗə nḗəba yiru i n pḗε dimə ye ba kun seeyatia doke. <sup>7</sup> Alusuma yen tḗə gbiikiru sḗəra i ko i menna i man sḗ. Yen tḗə te, i ku ra sḗmburu garu ko.

<sup>8</sup> Alusuma yen tḗə baatere i ko i n da man yāku dḗə mwaararugiru kuewa. Sḗə nḗəba yiruse, i ko i kpam menna i man sḗ. Yen tḗə te, i ku sḗmburu garu ko.

## *Gberun dīa gbiikinun*

### *tōo bakaru*

<sup>9-10</sup> Yinni Gusunō u maa Isireliba sōwa saa Mōwisin nōon di u nεε, ì n dua tem mε kon bεε wē sōo, ma i dīanu gā, i ko i ka dīa gbiikii ni i gā mi yāku kowo daawawa. <sup>11</sup> Kpa yāku kowon tii u man nu tusia tōo wērarugirun sisiru kpa n wa n ka bεε nōnu geu mεeri. <sup>12</sup> Yen tōo te, i ko i man yāku dōo mwaararugiru kua ka yāaru wōo tiagiru te ta ñ alebu gaa mō. <sup>13</sup> I ko i maa som kilo nōoba tia mε i ka gum burina sōndi kpa ye kpuron nuburu tu nε, Yinni Gusunō dore. Yen biru kpa i tam litiri tia ka bōnu tāre som mēn wōllō. <sup>14</sup> I ñ ko i dīa gbiikii nin pēε di ñ kun mε nin bima ye ba sōnwa ñ kun mε ye ba kōsuka sere dōma te i ka nε, Yinni Gusunōgia na. I ko wooda yeni mēm nōowawa mi i wāa kpuro sere ka baadommao.

### *Gēebun tōo bakaru*

<sup>15</sup> Yinni Gusunō u maa Isireliba sōwa saa Mōwisin nōon di u nεε, i ko i maa alusuma gariwa nōoba yiru saa tōo wērarugirun sisirun di dōma tēn di i ka bēen dīa gbiikii ni, nε, Yinni Gusunō naawa. <sup>16</sup> I ko i gariwa sōo weeraakuru sere n ka ko tōo wērarugiru nōoba yirusen sisiru. Kpa i maa nε, Yinni Gusunō yākuru kua. <sup>17</sup> I ko i ka pēε yiru na saa bēen yēnun di yēn baayere ba kua ka som kilo ita ka pēε seeyatia. Bēen gberun dīa gbiikii niya i ko i ka yen som mε ko, kpa yāku kowo u ye sōosi beri berika. <sup>18</sup> Yen biru, i ko i nε, Yinni Gusunō yāku dōo mwaararugiru kua ka yāanu nōoba yiru ni nu wōo tia tia mō kpa nu kun alebu gaa mō ka maa ketε kinε kpēm teeru ka yāa kinēnu yiru ka sere tam. Kpa ye kpuron nuburu tu nε, Yinni Gusunō

dore. <sup>19</sup> I ko i maa boo go bɛɛn toranun yākurun sō ka maa yāanu yiru ni nu wōō tia tia mō siarabun yākurun sō <sup>20</sup> ka pɛɛ ye sannu. Yāku kowo u koo ka ye kpuro Yinni Gusunō daawawa u nu tusiarun wororu koosi. Kpa ye kpuro ya n sãa nɛ, Yinni Gusunōgia. Ye kpuron biru, yaa ye kpuro ya koo kowa yāku kowogia. <sup>21</sup> Yen tōō te, i ko mɛnnawa bɛɛ kpuro i man sã. I ñ maa sɔmburu mō dōma te. Mi i wāa kpuro, i ko i wooda yeni mɛm nōwawa sere ka baadommaa.

<sup>22</sup> I n bɛɛn gberun dīanu gɛɛmō, i ku ni nu wāa bɛɛn gbee gooro gɛ. Yen biru i ku maa nu kunōnu ko. I ko i nu sārōbu ka sōbu deriawa. Nɛ Gusunō bɛɛn Yinniwa na ye gerua.

*Tōō baka tē sōō*

*ba ra kabi wure*

<sup>23-24</sup> Yinni Gusunō u Isireliba sōōwa saa Mōwisin nōōn di u nɛɛ, wōōn suru nōōba yirusen tōō gbiikuru sōō, i ko i wērāwa kpa i kabi so Gusunō u ka bɛɛ yaaya. Tōō te, i ko i mɛnnawa kpa i man sã. <sup>25</sup> I ku ra sɔmburu garu ko. Kpa i man yāku dōō mwaararuginu kua.

*Torarun suurun tōō bakarū*

<sup>26</sup> Yinni Gusunō u Mōwisi sōōwa u nɛɛ, <sup>27</sup> wōōn suru nōōba yirusen sōō wākurusewa i ko i yākuru ko bɛɛn toranun suurun sō. I ko i mɛnnawa kpa i nōō bāke kpa i man sã. Kpa i man yāku dōō mwaararuginu kua. <sup>28</sup> I ku ra sɔmburu garu ko tōō te sōō. Domi tōō te sōōra ba koo bɛɛ toranun suuru kobun woronu koosi Gusunō bɛɛn Yinnin wuswaā. <sup>29</sup> Wi u kun nōō bākue yen tōō te, ba koo nūn wunawa win tōmbun suunu sōōn di. <sup>30</sup> Wi u maa sɔmburu kua tōō te sōō, kon de bu yēro gowa.

<sup>31</sup> I ku ra sɔmburu garu ko tɔɔ te. Ya ko n sãawa wooda ka baadommaa ka bɛɛn bibun bweserɔ. Mi i wãa kpuro, i ko ye mɛm nɔɔwawa. <sup>32</sup> Ya ko n sãawa nge tɔɔ wɛrarugiru kpa i nɔɔ bɔke. I ko i wɛrawa saa surun sɔɔ nɔɔba nnɛn yokan di sere ka yen sisirun yokaɔ.

### *Kunun tɔɔ bakaru*

<sup>33-34</sup> Yinni Gusunɔ u Isireliba sɔɔwa saa Mɔwisin nɔɔn di u nɛɛ, saa wɔɔn suru nɔɔba yirusen sɔɔ wɔkura nɔɔbun di, i ko i Kunun tɔɔ bakaru diwa sɔɔ nɔɔba yiru i ka nɛ, Yinni Gusunɔ sã. <sup>35</sup> Yen tɔɔ gbiikiru, i ko i mɛnna i man sã. I ku ra sɔmburu garu ko tɔɔ te. <sup>36</sup> Tɔɔ baatere i ko i n da man yãku dɔɔ mwaararugiru kuewa sere n ka ko sɔɔ nɔɔba yiru ye. Yen sɔɔ nɔɔba itase, i ko i kpam mɛnnawa i man sã kpa i man yãku dɔɔ mwaararuginu kua. Tɔɔ te, i ku ra sɔmburu garu ko. Ta sãawa gãa girinu.

<sup>37</sup> Yeniba kpuro ya sãawa tɔɔ baka ni i ko i di nɛ Yinni Gusunɔn sɔ. Kpa i man yãku dɔɔ mwaararuginu kua ka bɛɛn gberun dīanu ka siarabun yãkunu ka tam. Yãkuru baatere ka ten tɔru. <sup>38</sup> Meya i ku maa tɔɔ wɛrarugiru duari ka yãku ni i ra man kue ka sere maa kɛɛ ni i ra ka nɛ ka maa nɔɔ mwɛɛrun yãkuru.

<sup>39</sup> Suru nɔɔba yirusen sɔɔ wɔkura nɔɔbuse sɔɔ, i n bɛɛn gberun dīanu gã, i ko i tɔɔ bakaru diwa sɔɔ nɔɔba yiru i ka man bɛɛɛ wɛ. Yen tɔɔ gbiikiru ka yen tɔru nɔɔba itase, i ko i wɛrawa i ku sɔmburu garu ko. <sup>40</sup> Yen tɔɔ gbiikii te, i ko i dãa marum buram sua ka kpakpa wurusu ka dãa wuru bakasu si su ra n wãa daarɔ kpa i n nuku dobu mɔ nɛn wuswaaɔ sɔɔ nɔɔba yiru ye. <sup>41</sup> Wɔɔ baagere i ko i n da tɔɔ baka te diwa i ka man bɛɛɛ wɛ suru

nɔɔba yiruse ye sɔɔ. Ya ko n sãawa wooda sere ka baadommaɔ. <sup>42</sup> Bɛɛ Isireliba kpurowa i ko i n wãa kunu sɔɔ sere sɔɔ nɔɔba yiru. <sup>43</sup> Kpa bɛɛn bibun bweseru tu ka gia ma na ben sikadoba sinasia kunu sɔɔ sanam mɛ na bu yarama Egibitin di. Nɛ Gusunɔ bɛɛn Yinniwa na ye gerua.

<sup>44</sup> Nge mɛya Mɔwisi u Isireliba tɔɔ baka ni sɔɔwa ni ba ko n da di bu ka Yinni Gusunɔ bɛɛɛ wɛ.

## 24

### *Gusunɔn kuu bekurugirun*

#### *dabu*

<sup>1</sup> Yinni Gusunɔ u Mɔwisi sɔɔwa u nɛɛ, <sup>2</sup> a Isireliba sɔɔwɔ a nɛɛ, bu nùn olifin gum kasuo mɛ mu gea bo kpa fitilanu nu n ka sɔre yoka baayere. <sup>3</sup> Aroni u koo ka gum mɛ dawa nɛ, Yinni Gusunɔn kuu bekurugii ten mi, beku kare ten wuswaɔ te ta woodan kpakoro te ganua. Kpa u de fitila ni, nu n sɔre yokan di sere yam mu ka sãra. Yeni ya ko n sãawa wooda sere ka ben bibun bweserɔ. <sup>4</sup> Aroni u koo fitila ni sɔndiwa dabu wuraguun wɔllɔ kpa nu n sɔre wɔkuru baatere sere yam mu ka sãra.

#### *Pɛɛ ye ba ra Yinni Gusunɔ wɛ*

<sup>5</sup> Yinni Gusunɔ u Mɔwisi sɔɔwa u nɛɛ, a pɛɛ wɔkura yiru wɔɔwɔ yen baayere ya n sãa kilo nɔɔba tia. <sup>6</sup> Kaa ye yorewa nen wuswaɔ tabulu wuragia yen wɔllɔ sãa yiru, yen baayere sɔɔ pɛɛ nɔɔba tia. <sup>7</sup> Sãa baayeren wɔllɔ kaa turare gea sɔndi kpa bu ye dɔɔ mɛni nen sɔ pɛɛ yen ayerɔ kpa n bɛɛ yaaya.

<sup>8</sup> Tɔɔ wɛrarugiru baatere, ba ko n da man pɛɛ yen bweseru yiyewa kpa ya n yii mi baadomma. Ya ko n sãawa wooda bɛɛn bibun bweseru sɔɔ sere

ka baadommaa. <sup>9</sup> Pɛɛ ye ba kəsire kua mi, ya ko n sāawa Aroni ka win bibugia. Ba koo ye diwa yam dɛɛramə. Pɛɛ ye, ya sāawa nɛnɛm domi nɛna ba ye wɛ sanam mɛ ba yāku dɔɔ mwaararugiru mɔ. Aronin bwesera ta ko n da ye di sere ka baadommaa.

### *Wi u Gusunə gari kam*

#### *gerusin sɛɛyasiabu*

<sup>10-11</sup> Sɔɔ teeru Isireliban goo ka Egibitigii goon bii wì u ka Isireli tən kurə mara ba sanna. Kurə Isireli win yīsira Selomiti, Debirin bii, Danun bweseru sɔɔ. Selomitin bii wi, u Gusunən yīsiru gari kam gerusimə u bōrusimə. Yera yande ba ka nùn da Məwisin mi. <sup>12</sup> Ma ba nùn yii ba ka mara bu wa ye Yinni Gusunə u koo gere.

<sup>13</sup> Yera Yinni Gusunə u Məwisi sɔɔwa u nɛɛ, <sup>14</sup> i ka durə wi yario sansanin di. Be ba maa nua u nɛ Yinni Gusunə gari kam gerusi mi, kpa bu ben nəma səndi win wirə bu ka seeda di kpa Isireliba kpuro bu nùn kpenu kasuku bu go. <sup>15</sup> Yen biru wooda yeniwa kaa Isireliba wɛ a nɛɛ, wi u nɛ, Yinni Gusunə gari kam gerusi, yɛro u koo yen are wa. <sup>16</sup> Wi u gesi nɛ, Yinni Gusunə gari kam gerusi, ba koo yɛro gowa. Isireliba kpurowa ba koo nùn kpenu kasuku bu go. Baa ù n sāan na sɔɔ, ba koo nùn gowa yèn sɔ u nɛ, Yinni Gusunə gari kam gerusi.

<sup>17</sup> Goo ù n win winsim go, ba koo maa yɛro gowa. <sup>18</sup> Goo ù n win winsim yaa saberu go, u koo ten kəsire wɛwa wasiru. Hundewa ya hunden kəsire.

<sup>19</sup> Goo ù n maa win winsim mɛɛra kua, mɛɛra yen bwesera ba koo yɛro ko. <sup>20</sup> Wi u goo bua, ba koo maa yɛro buawa. Wi u goon nəni wĩa, ba koo maa

yêron nãni wĩawa. Wi u goon dondu bua, ba koo maa yêrogiru buawa. Kõsa ye tãnu u win tãnusi kua kpuro, yera ba koo maa nùn kãsie.

<sup>21</sup> Wi u yaa saberu go, u koo ten kãsire wẽwa. Wi u maa tãnu go, ba koo maa yêro gowa.

<sup>22</sup> Wooda tia yera ba koo ka bæε ka bæen sobu siri. Nε Gusunõ bæen Yinniwa na ye gerua.

<sup>23</sup> Ma Mõwisi u Isireliba kpuro ye sãõwa. Ma ba durõ wi u Yinni Gusunõ gari kam gerusi mi yara sansanin di ba nùn kpenu kasuka ba go. Nge mɛya ba ka kua ye Yinni Gusunõ u Mõwisi sãõwa.

## 25

### *Tem wêrasiabu*

<sup>1-2</sup> Yinni Gusunõ u ka Mõwisi gari kua guu te ba mð Sinain wãllõ u nεε, bæε Isireliba ì n dua tem mε sãõ, mε kon bæε wẽ mi, i ko i dewa bæen gbean tem mu wêra nεn sã. <sup>3</sup> Wãõ nãõba tia sãõra i ko i bæen gbea duure kpa i bæen resem gbaanu sãmε i nin dãnu kãni. Kpa i yen marum sãri. <sup>4</sup> Adama wãõ nãõba yiruse, ya ko n sãawa wãõ wêraruguu Yinni Gusunõn sã. Bæen gbenu nu koo wêrawa mam mam. I ku ra nu dãnu duure, i ñ ko i maa bæen resem kãni. <sup>5</sup> Baa dãã ni nu wãruma sanam mε i gẽemõ ma nu kpia ka tii, i ñ nu gẽemõ. I ñ maa resem sãrimõ ye ya ka tii mara. Domi bæen gbea ya koo wêrawa mam mam wãõ ge sãõ. <sup>6</sup> Adama wãõ wêraruguu ge sãõ, ye ya kpia ka tii, yera i ko i di bæε ka bæen sãm kowobu ka bæen yobu ka sere maa sãõ be ba wãa bæen suunu sãõ <sup>7</sup> ka bæen yaa sabenu ka gbeeku yεε. Ye tem mε, mu koo kpi yera i ko i di.

### *Yakiabun wãõ*



8 I ko i wǎo nǎba yirun suba nǎba yiru deriwa yu doona. Ye kpuro ya sǎawa mi, wǎo weeraakuru tia sari. 9 Yen wǎo dǎakun suru nǎba yirusen sǎo wǎkuru, tǎo te ba torarun yǎkuru kua mi, i ko i kǎbi wurawa ka kuuki tem me kpuro sǎo. 10 Wǎo weeraakurusen wǎo ge, ga ko n sǎawa nenem ne, Yinni Gusunǎn sǎ. Kpa i kpara ma baawure u tii mǎ. Wǎo ge sǎo, ba koo gbee te goo u raa dǎra ñ kun me te ba nùn mwaari wesiawa tu ko wigiru. Wi u raa maa yoru dimǎ, u koo yakiara u wura win yenuǎ. 11 Nge meya i ko n da wǎo weeraakuru baateren yakiabun tǎo bakaru di. I ko i wǎrawa wǎo ge sǎo. I ñ dǎanu ganu duurumǎ. I ñ maa dǎanu ganu gǎemǎ ni nu ka tii kpia. Meya i ñ maa resem sǎrimǎ ye ya mara resem gbaarǎ te ba ñ sǎnwa. 12 Domi nuku dobun wǎowa ge i ko i wuna nenem ne Yinni Gusunǎn sǎ. Adama been gbean dǎana i ko i di.

13 Wǎo ge sǎo, baawure u koo win tem mwawa me ba raa nùn mwaari. 14 I n tem dǎramǎ, ñ kun me ñ n dwemǎ, been goo u ku raa win winsim nǎni wǎke. 15 Wi u kǐ u win gberu dǎra, u koo gina lasabu kowa u wa mǎn nǎo ta koo dǎanu ma sere wǎo weeraaku te, tu ka yibu tǎ sǎo ba ra yakiabun tǎo bakaru ko tǎ sǎo yǎro u koo tu wesia. 16 Nge me wǎsu su dabiru ne, nge meya gbee ten gobi yi ko n kpǎaru ne. Wǎsun sukum me mu tie mù kun dabi sere wǎo weeraaku te, tu ka yibu, ten gobi yi ñ ko yi n kpǎ. Domi ye ba koo gǎ gbee te sǎo, yera u dǎramǎ. 17 Been goo u ku raa win winsim nǎni wǎke. I ko i man nasiawa domi nena na sǎa Gusunǎ been Yinni. 18 I nen woodaba mem nǎowǎ kpa i sǐ ye sǎo. Saa ye sǎora i ko i sina tem me sǎo ka bǎri yendu. 19 Tem me, mu koo dǎanu ko ni nu koo bee turi kpa i n ka

wãa b̄ari ȳendu s̄o.

<sup>20</sup> S̄or̄okudo i ko i tii bikia i n̄εε, mba i ko i di w̄o n̄ōba yiruse te. Domi i n̄ w̄o ge s̄o d̄ianu duurum̄o, i n̄ maa ḡεem̄o. <sup>21</sup> Kon b̄εε domaru kua w̄o n̄ōba tiase kpa b̄εen gbea yu w̄o itan d̄ianu ma. <sup>22</sup> W̄o n̄ōba itase s̄o, i ko i d̄ianu duure kpa b̄εen d̄ia gurunu nu n tie sere i ka w̄o n̄ōba n̄nesen d̄ianu ḡε.

### *Tem ka dian yakiabu*

<sup>23</sup> Goo kun t̄onu tem d̄orem̄o kpa ȳero u n mu m̄o sere ka baadommāo, domi n̄ε, Yinni Gusun̄owa na tem m̄o, i maa w̄awa n̄en mi nge s̄obu. <sup>24</sup> Yen s̄ona mi i sina kpuro, i ko i tem yakiabun wooda ye m̄em n̄ōwawa.

<sup>25</sup> B̄εε s̄o, goo ù n kua s̄aro, ma u win tem sukum d̄ora, win dusi goo ù n gobi m̄o, u koo kp̄i u mu yakia. <sup>26</sup> Ȳero ù kun maa dusi goo m̄o wi u koo mu yakia, win tii u koo kookari kowa u ka mu yakia. <sup>27</sup> U koo w̄osu gariwa si su tie w̄o weeraaku te, tu ka sere yibu kpa u si kpuron gobi k̄asia kpa tem m̄ε, mu ko wigim. <sup>28</sup> U kun gobi wa u ka mu yakia, u koo mu wi u tem m̄ε dwa deria sere yakiabun t̄ōo bakaru tu ka turi. Yen biru u koo kp̄i u wura tem m̄ε s̄o.

<sup>29</sup> Yinni Gusun̄o u n̄εε, goo ù n win diru d̄ora te ta w̄a wuu gb̄araruguu s̄o, w̄o tia u m̄o u ka tu yakia. <sup>30</sup> Ȳero ù n kpana u dii te yakia w̄o tia yen baa s̄o, ta koo kowa wi u tu dwagiru sere ka baadommāo. U n̄ maa tu wesiam̄o baa yakiabun t̄ōo bakaru t̄a n tunuma. <sup>31</sup> Adama dii te ta w̄a wuu ge ga n̄ gb̄araru m̄o s̄o, ba koo tu yakiawa nge m̄ε ba ra tem yake. Baa n̄ n m̄eren na, wi u raa dii te m̄o, ba koo n̄n tu wesiawa yakiabun t̄ōo bakaru s̄o.

<sup>32</sup> Adama Lefiban wusu ka ben dia, ba ko n da kpī bu ye yakiē saa kpuro. <sup>33</sup> Wi u Lefiban goon diru dwa, yakiabun t̄ōo bakaru tà n tunuma, u koo yariwa dii ten min di ka wuu gen min di. Lefiban dia ya s̄awa ben tiiginu Isirelibaginun suunu s̄o. <sup>34</sup> Gbee ni nu maa ka ben wusu sikerene, ben goo kun kp̄e u nu d̄ara. Domi bera ba nu m̄a sere ka baadomma.

### *B̄akurabun wooda*

<sup>35</sup> Yinni Gusun̄o u n̄e, wunen Isirelisi ù n s̄aru duura, ma u ñ kp̄e u tii n̄ōri, a de a n̄un somi u ka win w̄aaru di. Nge m̄eya kaa maa s̄o kua kpa u wa u sina tem m̄e s̄o wunen b̄oku. <sup>36</sup> À n n̄un ḡaanu b̄akura, a ku n̄un are kasusi. A de a n̄e Gusun̄o wunen Yinni nasia, kpa wunen winsim u wa u n w̄a wunen b̄oku. <sup>37</sup> À n n̄un gobi b̄akura ñ kun m̄e d̄ianu, a ku nim doke. <sup>38</sup> N̄e Gusun̄o been Yinniwa na ye gerua. Nena na bēe yara saa Egibitin di n ka bēe Kananin tem w̄e kpa na n s̄a been Yinni.

### *Yorun wooda*

<sup>39</sup> Yinni Gusun̄o u maa n̄e, wunen Isirelisi ù n s̄aru duura ma u nun tii d̄are, a ku n̄un yoo s̄ama koosia. <sup>40</sup> U ko n s̄awa wunen s̄am kowo, u n w̄a wunen yenūo sere yakiabun t̄ōo bakaru tu ka na. <sup>41</sup> Yakiabun t̄ōo baka te, tà n tunuma, kaa n̄un yakiawa wi ka win bibu kpa u wura u win yenugibu deema, u win sikadoban gbea tubi di. <sup>42</sup> Domi ba s̄awa nen yobu be na yarama Egibitin di. Ba ñ koo bu d̄ara nge m̄e ba ra yobu d̄are. <sup>43</sup> A ku n̄un dam d̄are. A s̄osio ma a n̄e Gusun̄o wunen Yinni nasie.

<sup>44</sup> À n yobu kī, bwese tuku ni nu ka nun sikerene wa kaa yoru mw̄eri ba n s̄a wunegibu.

<sup>45</sup> Kaa kpī a sɔbun bibu dwe be ba wāa wunen yenuɔ ka sere be ba mara bεen tem sɔɔ. À n bu dwa, ba ko n sāawa wunεgibu. <sup>46</sup> Wunen bibun bweseru ta koo kpī tu bu tubi di sere ka baadommaɔ. Adama goo u ku raa win Isirelisi dam dɔre.

<sup>47</sup> Sɔɔ goo ù n wāa wunen yenuɔ, ma u kua gobigii, ma Isireli goo u sāaru duura, ma u tii sɔɔ wi dɔre, ñ kun mε sɔɔ win dusi goo, <sup>48</sup> Isireli wi, u koo kpī u tii yakia ñ kun mε win dusi goo u nùn yakia <sup>49</sup> ñ kun mε win baan mɔɔ ñ kun mε win baan wɔnɔ ñ kun mε ben bii goo ñ kun mε win dusi goo gesi. Wi u maa tii dɔra mi, ù n dam wa u ka tii yakia, u koo kpī u tii yakia. <sup>50</sup> Ba koo wɔsun geeru gariwa wi ka wi u nùn dwa saa mìn di u tii dɔra sere yakiabun tɔɔ bakaru tu ka turi. Win yakiabun gobin geeru ta ko n sāawa nge gobi yi ba koo sɔm kowo kɔsia wɔɔ si sɔɔ. <sup>51</sup> Wɔsu sù n maa tie su kpā yakiabun tɔɔ bakaru tu sere turi, u koo win yakiabun gobi kɔsiawa nge mε wɔɔ sin geera nε. <sup>52</sup> Wɔsu sù kun maa dabi sere yakiabun tɔɔ bakaru tu ka turi, u koo win yakiabun gobi kɔsiawa nge mε wɔɔ sin geera nε. <sup>53</sup> U n wāa win yinnin mi, yinni wi, u koo nùn kowa nge mε ba ra sɔm kowo kue. U ñ koo nùn dam dɔre. <sup>54</sup> U kun kpīa u tii yakie ka swaa yen gaa, u koo yakia ra wi ka win bibu yakiabun tɔɔ bakaru sɔɔ.

### *Nena Gusunɔ bεen Yinni*

<sup>55</sup> Isireliba ba sāawa nε, Yinni Gusunɔn yobu be na yara Egibitin di. Nε Gusunɔ na sāawa ben Yinni.

## 26

<sup>1</sup> Na nεε, i ku bwāaroku gagu sā. I ku ra maa gāanu ganun weenasinu ko. I ku maa kperu garu

gira te ba gāanu ganun weenasinu koosi kpa i yiira i sã. Domi nena na Gusunə beɛn Yinni.

<sup>2</sup> I t̄sɔ w̄ɛrarugiru yaayo kpa i nɛn kuu bekuru-giru beɛɛɛ w̄ɛ. Nɛ, Yinni Gusunəwa na ye gerua.

### *Domanu*

<sup>3</sup> I n nɛn woodaba mɛm nɔɔwa ma i ye sw̄i, <sup>4</sup> kon de gura yu nɛ yen saa sɔɔ kpa tem mu d̄ianu w̄ɛ kpa d̄ianu nu binu ma. <sup>5</sup> I ko n d̄ianu ḡɛmɔwa sere beɛn resɛm yu ka s̄ribu turi. Kpa resɛm ye, ya n maa w̄aa duurubun saa. I ko i di i debu kpa i n w̄aa ka b̄ari yendu beɛn tem sɔɔ. <sup>6</sup> Kon de alafia ya n w̄aa tem mɛ sɔɔ. Goo kun beɛ baasimɔ i n d̄o. Kon de yeɛ ḡɔbi yi doona. Mɛya tabu kun maa duɔ tem mɛ sɔɔ. <sup>7</sup> I ko i beɛn yiberɛba naa girawa kpa i bu takobi s̄kiri i kamia. <sup>8</sup> Beɛn nɔɔbu ba koo kp̄i bu t̄ambu wunɔbu (100) naa sw̄i bu go. Kpa beɛn wunɔbu bu t̄ambu n̄ɔɔbun suba w̄akuru (10.000) naa sw̄i bu go ka takobi. <sup>9</sup> Kon ka beɛ n̄onu geu m̄ɛɛri kpa n de i marura i k̄wara kpa n de nɛn arukawani ya n w̄aa sere ka beɛn bibun bibɔ. <sup>10</sup> I ko i beɛn d̄ia gurunu di sere nu tiara kpa i kpaanu k̄sire ko beɛn biranɔ. <sup>11</sup> Kon de bu nɛn w̄aa yeru gira beɛn suunu sɔɔ. Na n̄ maa beɛ biru kisimɔ. <sup>12</sup> Na kon s̄limɔwa beɛn suunu sɔɔ kpa na n s̄aa beɛn Yinni kpa i n maa s̄aa nɛn t̄ambu. <sup>13</sup> Nena Gusunə beɛn Yinni, nɛ wi na beɛ yara saa yorun di Egibitiɔ. Nena na Egibitigibun dam d̄ɔrebu kpeerasia. T̄ɛ i ko i kp̄i i s̄i n kun ka sekuru.

### *B̄ari*

<sup>14</sup> Yinni Gusunə u nɛɛ, i kun nɛn woodaba mɛm nɔɔwɛ, ma i n̄ s̄imɔ ye sɔɔ, <sup>15</sup> ma i nɛn arukawani yina, i nɛn woodaba biru kisi, i n̄ ka bu s̄mburu kue, <sup>16</sup> wee ye kon beɛ kua.

Kon bεε berum tia kpa n de wasi sun bakaru tu bεε wəri i woorá sere bεen nani yi tonda kpa i n wahala m̀. Kam sɔ́ra i ko i bεen dīanu duure. Domi bεen yiberɛbara ba koo nu di. <sup>17</sup> Kon bεε biru kisi kpa bεen yiberɛba bu bεε kamia. Kpa be ba bεε tusa bu bεε dam dɔ́re. I ko i duki yakikirawa baa bà kun bεε naa gire.

<sup>18</sup> Yeniba kpuron biru, ì kun man mɛm nɔ́wε, kon bεε sεeyasia too too bεen torarun s̄. <sup>19</sup> Kon bεen dam bua m̀n s̄ i tii sue. Kon de wəllu tu bɔ́bia nge sisu kpa gura yu ku nε. Kpa tem mu bɔ́bia nge sii gandu. <sup>20</sup> I ko i bεen dam dɔ́rawa kam sɔ́. Domi tem mu ñ dīanu m̀. Meyá dānu nu ñ maa marum̀.

<sup>21</sup> I n man seesim̀, kon bεε sεeyasia too too bεen toranun s̄. <sup>22</sup> Kon bεε gbeeku yεε surema yi bεen bibu go sere ka bεen yaa sabeǹ kpa i kun maa dabi kpa bεen swεε yi gbi.

<sup>23</sup> Sεeyasia bini bù kun maa dere i ḡru ḡsie, ma i man seesim̀, <sup>24</sup> nɛn tii kon bεε seesi kpa n maa bεε sεeyasia too too n kere yellu bεen toranun s̄. <sup>25</sup> Kon de tabu bu bεε wəri ỳn s̄ i nɛn arukawani kusia. I n menna i kukua bεen wus̀, kon de bararu tu bεε wəri kpa yiberɛba bu bεε nɔ́ma turi. <sup>26</sup> Kon de ḡɔ́ru tu na. Saa ye sɔ́, t̄n kurɔ́bu wəkuru ba koo p̄ε w̄wa doo teu sɔ́ kpa bu ka bεε naawa ye ya ñ bεε debum̀.

<sup>27</sup> Yeniban biru ì kun man mɛm nɔ́wε, ma i man seesim̀, <sup>28</sup> nɛn tii kon bεε seesi ka m̄ru kpa n bεε sεeyasia n̄n nɔ́ba yiru n kere yellu bεen toranun s̄. <sup>29</sup> I ko i ḡɔ́ru wá sere i bεen bibu tem. <sup>30</sup> Kon bεε tusi sere n bεε gunguu n̄n mi i ra yākuru ko k̄suku ka bw̄arokunu ni i ra ka s̄ɔ́ s̄á. Kon bεen gonu s̄ndi bw̄aroku nin k̄ekin wəll̀. <sup>31</sup> Kon bεen

wusu gōsia bansu kpa n bēen sãa yenu kōsuku. Na ñ maa bēen yākunu mwaaamō. <sup>32</sup> Kon bēen tem kam koosia. Bēen yiberε be, ba koo na bu sina mi, kpa biti yu bu mwa. <sup>33</sup> Kon de bu bεε tabu wōri kpa i yarina i da tem tukumō. Kpa bēen wusu su ko bansu.

<sup>34-35</sup> Saa ye sōo i ko i n wãa tem tukum mi, bēen tem mε, mu koo wēra, wēra bi i ñ daa mu wēere.

<sup>36</sup> Be ba koo tiara ba n wãa yiberεban temō, kon de bu nuki sankira. Baa wuru kokosun damu, ga koo de bu duka yakurawa. Ba koo yakurawa nge be ba yiberεba wa ba tabu yānu neni ba ka bu naa gire. Ba koo wōrukuwa baa goo ù kun bu naa swī. <sup>37</sup> Ba koo wōrikinawa nge be ba goonamō tabu sōo ka takobi. Ba ñ kpē bu yōra bu ben yiberεba ma. <sup>38</sup> Ba koo gbiwa bwese tukunun suunu sōo. Kpa yiberεba bu bu kam koosia. <sup>39</sup> Be ba koo tiara yiberεban tem mi, ba koo woorawa ka nuku sankiranu ben toranun sō ka ben baababaginun sō.

### *Gusunō u koo win arukawani*

#### *yaaya*

<sup>40</sup> Isireli be ba tiara, ba koo ben toranu tuuba ko ka ben baababaginu ni ba kua nε, Yinni Gusunōn wuswaaō ka sere seesi bi ba man seesi. <sup>41</sup> Ba koo gia ma nena na bu seesi ma na ka bu da tem tukumō ben yiberεban mi. Saa ye sōora ba koo tii kawa ben naanε sarirun sō kpa bu gia ma nena na bu sεeyasiamō ben toranun sō. <sup>42</sup> Saa ye sōo, kon nen arukawaniba yaaya ye na bōkua ka ben baababa. Bera Aburhamu ka Isaki ka Yakōbu. Kon maa nen nōō mwεeru yaaya te na kua ben tem sō. <sup>43</sup> Ben biru, tem mε, mu koo wēra. Saa ye sōora

ba koo seeyasiabu wa yèn sō ba nɛn woodaba deri. <sup>44</sup> Adama baa bà n wāa tem tukumō ben yiberɛban mi, na ñ bu derimō mam mam. Na ñ bu biru kisimō, na ñ maa bu kpeerasiamō. Na ñ nɛn arukawani ye kusiamō. Domi na sāawa Gusunō ben Yinni. <sup>45</sup> Ben arufaanin sō kon arukawani ye yaaya ye na ka ben baababa bōkua mi, ye ya dera na bu yara Egibitin di bwesenu kpuron nōni biru, ma na kua ben Yinni. Nɛna Yinni Gusunō.

<sup>46</sup> Wooda ka sōasi niniwa Yinni Gusunō u Məwisi wē Sinain guurō u ka Isireliba sō.

## 27

### *Nə mwɛɛnun yibiabu*

<sup>1</sup> Yinni Gusunō u Məwisi sōawa u nɛɛ, <sup>2</sup> a Isireliba wooda yeni sōawō a nɛɛ, goo ù n nəw mwɛɛru kua u nɛɛ, u koo nɛ, Yinni Gusunō tɔnu kē, u koo kpī u gobi kōsia tɔnu win ayerō nge mɛni u ka win nəw mwɛɛru yibia.

<sup>3</sup> Saa tɔn durō wi u wōw yendu mɔn di n ka da wōw watagii, sii geesun gobi weeraakura u koo kōsia nge mɛ ba ra sāa yerun gobi kōsi. <sup>4</sup> N n tɔn kurɔn na, sii geesun gobi tɛna.

<sup>5</sup> Tɔn durō wi u mō wōw nəɔbu n ka da wōw yendugii, sii geesun gobi yɛnda u koo kōsia. N n maa tɔn kurɔn na, sii geesun gobi wəkuru.

<sup>6</sup> Saa tɔn durō suru tiagii sere n ka da wōw nəɔbugii, sii geesun gobi nəɔbuwa u koo kōsia. N n maa tɔn kurɔn na, sii geesun gobi itawa u koo kōsia.

<sup>7</sup> Goo ù n maa wōw wata mō ñ kun mɛ ù n kere mɛ, sii geesun gobi wəkura nəɔbuwa u koo kōsia. N n maa tɔn kurɔn na, sii geesun gobi wəkura u koo kōsia.



<sup>8</sup> Goo ù n sãa sãaro too, ma u ñ kpě u kɔsia mɛ ba gerua, ba koo ka yěro dawa yãku kowon mi, kpa yãku kowo wi, u nùn sō mèn nɔɔ u koo kɔsia nge mɛ win waara nɛ.

<sup>9</sup> Goo ù n nɛ, Yinni Gusunɔ nɔɔ mweeru kua ma u koo man yaa saberu kě te ba ra ka yãkuru ko, yaa sabe te, ta ko n sãawa nɛguru. <sup>10</sup> Ba ñ ka tu garu kɔsinamɔ te ta kun wã. Baa tà kun maa wã, ba ñ ka tu garu kɔsinamɔ te ta wã. Ka mɛ, bà n maa ka tu kɔsina, ni yiru kpuro nu ko n sãawa nɛginu.

<sup>11</sup> Goo ù n ka yaa saberu na te ba ku ra ka yãkuru ko, ba koo ka tu dawa yãku kowon mi. <sup>12</sup> Kpa yãku kowo u tu mɛeri u ten geeru bura. <sup>13</sup> Wi u ka yaa sabe te na, ma u kī u tu yakia, gee te yãku kowo u nùn bure, tera u koo kɔsia. Kpa u maa gee ten bɔnu nɔɔbun tia sosi.

<sup>14</sup> Goo ù n win diru Yinni Gusunɔ kã, yãku kowowa u koo da u tu mɛeri kpa u ten geerun saka gere. Gee te u gerua mi, tera ba koo ka sɔmburu ko. <sup>15</sup> Adama ù n kī u win dii te yakia, u koo gina gee te yãku kowo u bura mi kɔsiawa kpa u ten wɔllɔ bɔnu nɔɔbusen tia sosi dii te, tu sere maa ko wiguru.

<sup>16</sup> Goo ù n maa win gberu Yinni Gusunɔ wě, ba koo ten geeru burawa. Dīa ni ba koo duuren kpãara ba koo mɛeri. Nge tē bà n dīa ni ba m̀ ɔɔsu duura, ma nu kilo gooba wunɔbu (300) kua, sii geesun gobi weeraakura ba koo kɔsia. <sup>17</sup> N n sãan na yakia bun t̄ɔɔ bakarun diya u gbee te wě, ten gobi kpurowa u koo kɔsia. <sup>18</sup> U n gbee te Yinni Gusunɔ wě yakia bun t̄ɔɔ bakarun biru, yãku kowo u koo ten gobi kawawa. U koo w̄ɔɔ si su tie sere yakia bun t̄ɔɔ bakaru tu ka turin gobi kɔsiawa.

19 Yēro ù n kī u win gbee te yakia, u koo kəsiawa ye ba bura mi, kpa u yen bənu nəəbun tia sosi gbee te, tu sere maa ko wigiru.

20 U kun tu yakie, ma ba tu goo dāre, u n maa kpē u tu yakia win tii. 21 Yakiabun tōo bakaru tà n tunuma, ta koo kowa Yinni Gusunəgiru. Yāku kowoba ba ko n tu mə sere ka baadommao.

22 Goo ù n Yinni Gusunə gberu wē te u dwa, n n mə te u tubi di, 23 yāku kowowa u koo tu mēeri kpa u ten geeru bura. U koo wōsu gariwa si su tie yakiabun tōo bakaru tu ka turi. Wōo si kpuron gobiya u koo gere kpa gobi yi, yi ko Yinni Gusunəgii. 24 Adama yakiabun tōo bakaru tà n tunuma, gbee te, ta ko n sāawa wi u raa nùn tu dāregiru.

25 Ba koo gāanu kpuron geeru burawa nge mē ba ra sāa yerun gobi kəsi. N deema gobi yin tian bunum mu ra n sāawa garamu wəkuru.

### *Kēε bwese bweseka*

26 Goo u ku raa win yaa saberun buu gbiikuu Yinni Gusunə kē. Domi ga sāawa Yinni Gusunəguu kə yèn sō ga sāa buu gbiikuu. Baa n n yāarun na n kun mē ketε, ga sāawa Yinni Gusunəguu. 27 Gà n maa sāan na sabe te ba ku ra ka yākuru kon buu gbiikuu, wi u ka tu na u koo kpī u tu yakia ù n gee te yāku kowo u nùn bure kəsi kpa u maa ten bənu nəəbun tia sosi. U n kpāna u tu yakia, yāku kowo u koo kpī u tu goo dāre nge mē u ten geeru bure.

28 Gāa ni ba Yinni Gusunə kā sere ka baadommao, aa tənuwa? N kun mē yaa sabera? N kun mē gbee te u tubi diwa? Gāa ni ba gōsa ba yi Yinni Gusunə n sō gesi, n n maa koorə u nu yakia n kun mē u nu dāra. Nu ko n sāawa Yinni Gusunəginu sere ka

baadomma. <sup>29</sup> Baa ñ n tɔnɔn na n ñ koorɔ u nùn yaki. Ba koo yẽro gowa.

<sup>30</sup> I ko i n da Yinni Gusunɔ bɛɛn gberun dɛɛn suba wɔkuru sɔɔ tia yiyewa sere ka dɛɛ marumɔ.

<sup>31</sup> Goo ù n kĩ u ye yaki, u koo yen gee te kɔsiawa kpa u maa yen bɔnu nɔɔbun tia sosi. <sup>32</sup> Meya maa yaa sabenu sɔɔ. Yãara? Kɛɛwa? Boowa? Sabe ni ba kpare gesi, wɔkuru baateren wɔllɔ Yinni Gusunɔ u teeru mɔ. <sup>33</sup> Wi u sabe ni mɔ, u ñ koo gɔsi te ta wã ñ kun mɛ te ta kun wã. U ñ maa ka tu garu kɔsinamɔ. Baa ù n ka tu garu kɔsina, ni yiru kpuro nu ko n sãawa Yinni Gusunɔginu. N ñ koorɔ bu nu yaki.

<sup>34</sup> Wooda yenibara Yinni Gusunɔ u Mɔwisi wẽ Isireliban sɔ Sinain guuro.

**Luda yá takada kú Bisá yáo**  
**Portions of the Holy Bible in the Busa language of**  
**Nigeria**

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

---

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3